

# TË KRISHTERËT E PARË

---

Teksti: A. D. George  
Adoptuar për Evropën: Ester Parker  
Përktheu: Irma Lila

JU LUTEMI VINI RE!

Vizualet për këtë seri mund të blihen në pjesën më të madhe të zyrave të BUF-it dhe në dyqanet në internet. Për një listë të zyrave të BUF-it dhe dyqaneve në internet në Evropë, ju lutemi vizitoni [www.teachkids.eu/al](http://www.teachkids.eu/al) dhe kliko mbi “Vendet”.



**BUF SH**

BASHKËSIA E UNGJILLIZIMIT  
TË FËMIJËVE E SHQIPËRISË®

Copyright © 1994, 1999 Child Evangelism Fellowship® Inc.

Të gjitha të drejtat e rezervuara. Përdorur me leje.

Mund të riprodhohet vetëm për përdorim personal, shërbese, jofitimprurës ose jo-komercial. Vizitoni [www.teachkids.eu/al](http://www.teachkids.eu/al) për më shumë detaje mbi lejen e përdorimit.

**Bashkësia e Ungjillëzimit të Fëmijëve  
Kutia Postare 249  
Durrës**

# TË KRISHTERËT E PARË

---

## PËRMBAJTJA

Mësimi	faqja
1. Dëshmitarët (Maria, Pjetri dhe Gjoni Dëshmitarët e parë të RINGJALLJES SË JEZUS KRISHTIT )	
2. Fuqia e Perëndisë për të Krishterët (Rrëshajat)	
3. Puna e Perëndisë nëpërmjet të Krishterëve (Pjetri, Gjoni dhe Paralitiku.)	
4. Perëndia nderohet nga të Krishterët (Ananias dhe Safira; Simoni Magjistari)	
5. Mesazhi i Perëndisë për të gjithë. (Korneli dhe Pjetri)	
6. Fëmijët e Perëndisë persekutohen (Pjetri dhe Gjoni burgosen; Stefani qëllohet me gurë)	

## Hyrje

Ka shumë fjalë të cilat mund të përdoren për të përshkruar kohën e të krishterëve të parë. “Emocionuese” dhe “ E rrezikshme” këto fjalë pa dyshim do të zinin vendin e parë në qoftë se do të hartonim një listë.

Ndërsa ju do të përdorni këto mësimë, ne shpresojmë, që fëmijët do të kuptojnë më shumë sesi ishte jeta për të krishterët e parë, ne shpresojmë që ata do të kuptojnë se çfarë na mëson ajo periudhë ne sot. Fëmijët e pashpëtuar do të kuptojnë se çfarë ndryshimi mund të sjellë për ta se Jezus Krishti u ngrit nga vdekja; ata duhet të kuptojnë se nevoja e tyre më e madhe është falja e mëkateve të tyre dhe se Jezusi është i VETMI që mund të plotësojë këtë nevojë. Fëmijët e krishterë kanë nevojë të mësojnë se Perëndia është me ta nëpërmjet Frymës së Shenjtë, dhe megjithëse ata do të persekutohen Ai u ka premtuar që kurrë nuk do t'i braktisë. Ndërsa ju i përdorni këto mësimë, Perëndia ju ndihmoftë dhe ju përdortë që ti tregoni fëmijëve se si Ai mund t'ju plotësojë nevojat e tyre.

## Vini veten tuaj në dispozicionin e fëmijëve

Kur ju paraqisni mesazhin e Ungjillit, do të ketë fëmijë që do ti përgjigjen atij. Ata mund të pranojnë ose jo ditën e nesërme se e kanë pranuar Jezusin si Zotin dhe Shpëtimtarin e tyre. Megjithatë do të ketë nga ata të cilët do të kenë nevojë për ndihmë në një farë mënyre. Ata mund të kenë pyetje për të bërë; ata mund të kenë nevojë për ndihmë ose për inkurajim për të ditur se çfarë duhet të thonë. Ndërsa ju gjithashtu mësoni fëmijët e shpëtuar, mund të ketë kohë kur ata mund të kenë nevojë për këshilla në kohë të vështira; ata mund të kenë nevojë për qartësime sesi mësimë të caktuar zbatohen në jetën e tyre të përditshme; ata mund të përballen, në jetën e tyre, me situata të tilla në të cilat ata nuk e dinë se çfarë Bibla thotë, të cilën duhet ta zbatojnë. Ata mund të ndajnë një vështirësi dhe të kërkojnë që ju të luteni për të, veçanërisht kur ju jeni i vetmi mbështetje e krishterë që ai mund të ketë. Për këto arsye është shumë e rëndësishme që fëmijët të dinë se ju jeni i gatshëm që të bisedoni me ta. Gjithashtu është e rëndësishme që ata të dinë se kur dhe ku të shkojnë kur të flasin me ju. Përfundimisht, është thelbësore që fëmijët e pashpëtuar të mos ngatërrojnë ardhjen tek ju me pranimin e Zotit Jezus.

Për t'ju ndihmuar ju që të plotësoni këto nevoja të fëmijëve ju do të gjeni të shkruar në teksteve e mësimëve 2,3,5 dhe 6 shembuj sesi mund ti thoni fëmijëve se kur dhe ku mund t'ju takojnë nëse duan. Ju do të gjeni këto simbole në tekst: “vvn”. Në mësimet 2 dhe 6 ju do ta vini veten tuaj në dispozicion të fëmijëve të krishterë, dhe në mësimet 3 dhe 5 ju do ta vini veten tuaj në dispozicionin e fëmijëve të pashpëtuar. Bashkë me mësimet 1 dhe 4 janë dhënë shembuj në

kohë të ndryshme të programit sesi mund t'ua komunikoni këtë informacion fëmijëve. Në të gjitha rastet ju nuk duhet ta vini veten në dispozicion të fëmijëve në të njëjtën kohë kur jepet dhe mesazhi i ungjillit, në këtë mënyrë fëmijëve nuk ju krijohet përshtypja se nuk mund të vijnë tek Jezusi pa ardhur tek ju, ose se ata mund të shpëtohen thjeshtë duke pritur që të takohen me ju.

### **Mësimi i të vërtetave biblike**

Ne si mësues nuk kryejmë zbatimin e përgjegjësive tona në qoftë se ne merremi vetëm me tregimin e historive biblike. Është thelbësore që fëmijët të mësojnë të vërtetën se këto histori u shkruan për të na mësuar ne, dhe se ne i çojmë ata një hap përpara duke ju treguar të vërtetën, dhe se si kjo e vërtetë zbatohet në jetën e tyre të përditshme. Sigurisht që ne nuk mundemi që vetëm me një mësim të tregojmë të gjitha të vërtetat që historia mund të ketë, dhe si rezultat në secilin nga këto mësim është zgjedhur një e vërtetë qendrore. Mësimi i të vërtetës qendrore është ndërthurur gjatë tregimit të historisë, por për t'ju ndihmuar ju gjatë përgatitjes tuaj ato janë shënuar VQ1 VQ2 dhe VQ3 dhe kështu me radhë. Ato janë shënuar gjithashtu në planin e mësim. Ju do të vini re gjithashtu që të vërtetat qendrore janë shënuar gjithashtu dhe me PSh për të treguar se kujt fëmijë i përshtatet kjo e vërtetë \_ të shpëtuarit dhe të pashpëtuarit. Kjo gjë është bërë e qartë dhe në tekst duke përdorur shprehje të tilla si “Në qoftë se ju nuk i keni besuar Zotit Jezus që të falë mëkatet tuaja...” ose “ të Krishterë, ju...” Zbatimi i kësaj të vërtete është theksuar me shkronja më të errëta. Ju ndoshta mund të ndjeni të nevojshme që ta përshtatni zbatimin në varësi të fëmijëve që ju mësoni. E rëndësishme është që fjala e Perëndisë të zbatohet në jetën e tyre.

### **SI MËSOJNË FËMIJËT**

Fëmijët (dhe në fakt edhe të rriturit) mbajnë mend shumë pak nga ajo që ata vetëm dëgjojnë – 10%. Në qoftë se ata dëgjojnë dhe shikojnë sasia e asaj që mbajnë mend rritet dhe shkon në 50%. Efektiviteti i mësimit tuaj do të rritet në qoftë se ju do të përdorni piktura dhe vargje të shkruara në shirita demonstrativë. Për të pasur një efektivitet shumë të lartë –70%. Fëmijët kanë nevojë që të bëjnë ashtu siç kanë nevojë të dëgjojnë dhe të shikojnë. Ju mund të përfshini dhe fëmijët në mësimin tuaj duke ju drejtuar atyre pyetje (shembujt për pyetjet që jepen tek teksti i mësim) dhe gjithashtu duke u kërkuar më të mëdhenjve që të përgatisin vargjet për ti lexuar ato gjatë mësimit sesa duke i lexuar ato vetë. Për një përforsim më të mirë të mësimin në fund të çdo mësimi është sugjeruar një aktivitet që mund të kryhet vetë nga fëmijët në shtëpi. Gjatë kohës që fëmijët janë duke u marrë me këto aktivitete, ju dhe ndihmësit tuaj keni një mundësi që të bisedoni për atë që është mësuar. Gjithashtu janë përgatitur dhe pyetjet përsëritëse. Një kohë për përsëritjen e mësimin mund të jetë shumë efektive në qoftë se drejtohet ashtu siç duhet, për të përforsuar atë që është mësuar deri tani dhe në të njëjtën kohë është shumë zbatimëse për fëmijët. Ju shpesh mund të gjeni keqkuptime ose mangësi në njohuritë e tyre të cilat mund ti korrigjoni gjatë kësaj kohe.

### **UDHËZIME PËR TË PËRGATITUR VARGJET E SHKRUAR NË SHIRITA DEMONSTRATIVE**

Përdorni shkronja të vogla shtypi përveç rasteve kur duhet të përdoren shkronjat e mëdha. Bëjini shkronjat e mëdha dhe të qarta në mënyrë që të shihen mirë. Sigurohuni që fjalët të mos jenë shumë afër njëra tjetrës. Në qoftë se ju keni një kompjuter ju mund të prodhoni vargje të shkruar në shirita demonstrativë të një cilësie të mirë, por përdorni gjithmonë shkronja që janë lehtësisht të lexueshme për fëmijët e vegjël.

### **VARGJET PËRMENDËSH**

Për çdo mësim është sugjeruar mësimi përmendësh i një vargu nga Bibla. Në qoftë se ju jeni duke i dhënë mësimet në formën e një serie për gjashtë javë është e këshillueshme që fëmijëve t'u mësohen mirë dy ose tre vargje të cilat ata do të jenë në gjendje ti mbajnë mend dhe më vonë. Në qoftë se ju përpiqeni që t'ua mësoni që të gjashtë vargjet ndoshta ata nuk do të mbajnë mend mirë asnjërin nga ata.

# MËSIMI 1

## DËSHMITARËT

---

**Shkrimet nga Bibla:** Marku 16:1-15; Lluka 23:47-56; 24:1-2, 36-53;  
Gjoni 19:38-20:23; Veprat e Apostujve 1:1-9

**E Vërteta Qendrore:** Zoti Jezus është ngritur nga vdekja.  
**Zbatimi:** **Për të pashpëtuarit:** Ai mund t'ju shpëtojë ju.  
**Për të shpëtuarit:** Ai është gjithmonë me ju.

### **Vënia e vetes në dispozicion të fëmijëve:**

Në këtë mësim nuk ka një mundësi që ju të vini veten tuaj në dispozicion të fëmijëve të cilët duan të dinë më shumë sesi mund të bëhen të krishterë. Ju mund ta bëni këtë gjë në një kohë tjetër të programit, për shembull pas mësimit të vargut përmendësh. Ju mund të thoni diçka të tillë “Në qoftë se ju e keni kuptuar se Zoti Jezus u kryqëzua për mëkatet tuaja dhe dëshironi që t'i kërkonit atij falje dhe t'i kërkonit që të vijë në jetën tuaj sot, ju mund ti luteni atij kur ju rrinë ulur; ju mund ti luteni atij në shtëpi në qetësi në dhomën tuaj; ose në qoftë se ju nuk jeni i sigurt për atë që do të thoni dhe do të bëni, ju mund të prisni deri në fund të klubit dhe unë do të përpiqem që t'ju përgjigjem pyetjeve që ju mund të keni. Në qoftë se ju doni të flisni me mua, qëndroni në vendin tuaj ndërsa të tjerët largohen.”

**VARGU PËRMENDËSH:** Lluka 24:7 “Biri i njeriut duhej të dorëzohej në duar të njerëzve mëkatarë, duhej kryqëzuar dhe do të ringjallej ditën e tretë.”

Do të ishte mirë që ky varg të mësohej pas mësimit, në mënyrë që të mund ta vendosni vargun në kontekst. Për herë të parë këto fjalë u thanë nga Zoti Jezus Krisht përpara vdekjes së Tij, por, në këtë varg, engjëjt të cilët u shfaqën te varri bosh i Jezusit janë duke ia përsëritur ato grave, duke u kujtuar atë që Jezusi vetë kishte thënë më parë.

**MJETET VIZIVE:** **Figurat e flanelogرافit** 1A-3,4,5,6,7,15 dhe 16.

**Figura të tjera** të cilat mund ti përdorni, në qoftë se i keni, do ti gjeni tek “Jeta e Krishtit” Volumi 4. Në flanelogراف ato janë të shënuara 4c-265 dhe 266 (dishepujt), 4c-260 (Jezus)? 4c-267 (Ngjitja e Jezusit) dhe 4c-268 dhe 269 (burrat me të bardha). Në versionin me figura përdorni skenat 24-4,5 dhe 6.

**E vërteta qendrore në shiritat demonstrativë:** Ju mund të përdorni si bazë për këtë varg një letër në formën e kokës së Jezusit. Tregojeni atë sa herë që ju mësoni të vërtetën kryesore.

Ju mund të përdorni edhe një **pamje të varrit**. Udhëzimet janë dhënë në fund të tekstit të mësimit.

**Shirita të tjerë demonstrativë të përdorshëm:** dishepujt, Maria Magdalena Pjetri, Gjoni.

Një letër e madhe në formën e një **pikëpyetje**, ku mbi të cilën është shkruar “A është Zoti Jezus gjithmonë me ju?”, mund të përdoret në theksimin e nxitjes tuaj në fund.

Për të përforcuar mësimin mbi rëndësinë e ringjalljes së Zotit JEZUS KRISHT ju mund të përdorni dhe shiritat e mëposhtëm demonstrativë të përgatitur për flanelobord. Herë pas here ju mund të përdorni një tabelë të zakonshme (OSE NË MUR) ku mund të përdorni një ngjithës të veçantë.

Për shkak se Zoti Jezus u ngrit nga vdekja ne mund të dimë se:

- ☞ Perëndia e pranoi sakrificën e Zotit Jezus.
- ☞ Jezusi mori gjithë ndëshkimin
- ☞ Zoti Jezus përfundoi pagesën e mëkatit.
- ☞ Ne nuk do të paguajmë asgjë.

## Përmbledhja e Mësimit

<b>Hyrja:</b>	Dëshpërimi dhe frika e dishepujve
<b>Rrjedhja e ngjarjeve:</b>	1. Maria sjell lajmin <b>VQ1</b> 2. Vijnë gratë e tjera <b>VQP/SH</b> 3. Pjetri dhe Gjoni shkojnë tek varri. <b>VQP/SH3</b> 4. Maria kthehet tek kopshti <b>VQSH 4</b> 5. Jezusi u shfaqet dishepujve në dhomën e mbyllur. 6. Jezusi u shfaqet shumë personave në kohë të ndryshme.
<b>Kulmi:</b>	7. Jezusi kthehet në qiell. <b>VKP 5</b>
<b>Përfundimi:</b>	8. Dishepujt nuk janë më të dëshpëruar.

## MËSIMI

Dishepujt e Zotit Jezus ishin shumë të trishtuar. Ai kishte qenë një mik shumë i veçantë për ta dhe tani. Ai kishte vdekur. Zoti Jezus vdiq në kryq (*vendosni 1A-15*) dhe pastaj u varros në një varr (*vendosni 1A-16*). Tani dishepujt ishin të trishtuar sepse mendonin se nuk do ta shihnin Atë përsëri. Ata ishin gjithashtu shumë të frikësuar. Ata mendonin se edhe ata mund të arrestoheshin dhe të ndëshkoheshin gjithashtu, dhe madje edhe mund të vriteshin, për shkak se kishin qenë miq të veçantë të Zotit Jezus. Kështu ata u mbyllën së bashku në një dhomë të frikësuar dhe të trishtuar. (*Hiqni 1A-15 dhe 16. Vendosni 1A-3,4 dhe 5.*)

Unë imagjinoj se ajo dhomë ishte me të vërtetë shumë e heshtur atë të dielë në mëngjes. Më vonë hyn Maria Magdalena (*vendosni 1A-6 Figura 1-2*) me një lajm shokues. Dëgjoni atë që ajo kishte për tu thënë atyre. (*Mësues, lexoni Gjoni 20:2 nga Bibla juaj.*) “E kanë hequr Zotin nga varri dhe nuk e dimë ku e vunë.” Maria dhe disa gra të tjera kishin qenë tek varri ku kishin parë Jozefin e Arimatesë dhe Nikodemin të varrosnin trupin e Jezusit të Premten në darkë. Ishte shumë vonë që ti vendosnin erëra të mira siç ishte zakoni kur dikush vdiste. Të nesërmen ishte ditë Sabati, ditë në të cilën ata i bindeshin urdhrin të Perëndisë dhe pushonin. Kështu herët në mëngjes të Dielën, gratë u nisën për tek varri. Si mendoni ju se u ndien ato kur zbuluan se trupi i Zotit Jezus nuk ishte atje? (*Lejojini fëmijët që të përgjigjen. Përgjigjet e mundshme: të habitura, të trishtuara të mërzitura.*) Maria vrapoi përpara për të shkuar tek dishepujt, duke i lënë gratë e tjera mbrapa.

Maria, dishepujt, dhe të gjithë miqtë e Jezusit kishin harruar çfarë Jezusi u kishte thënë kur ishte me ta.

(VQ1) Kjo ishte arsyeja pse ata ishin të trishtuar dhe të frikësuar. Ja pse Maria ishte e mërztur kur nuk e gjeti trupin e Zotit Jezus në varr. Ata nuk do të ishin të mërztur në qoftë se ata do të mbanin mend se çfarë Jezusi u kishte thënë. Jezusi u tha atyre se Ai do të ngrihet nga vdekja, por ata nuk e kishin kuptuar çfarë Ai kishte dashur të thoshte. **Ndoshta ju nuk e keni kuptuar akoma se çfarë do të thotë kjo për ju, se Zoti Jezus u ngrit nga vdekja. Dëgjoni atë që dishepujt mësuan dhe kështu mund ta kuptoni dhe ju gjithashtu.**

Papritmas u bë një zhurmë e madhe ndërsa Joana, Salome, Maria nëna e Jakobit dhe gratë e tjera të cilat kishin qenë tek varri i Jezusit, sollën lajme akoma dhe më të habitshme. Unë jam shumë i sigurt se ato ishin kaq të entuziazmuara sa përpiqeshin që të flisnin të gjitha menjëherë. Secila nga ato kërkonte të ishte e para që donte të tregonte lajmin e mrekullueshëm. A mundeni të imagjinoni se cili mund të ishte? (Mësues përpiquni që ti thoni fjalitë e mëposhtme të tingëllojnë si fjali të thëna nga një grup i entuziazmuar grash, të cilat të gjitha përpiqen të tregojnë atë që kishin përjetuar).

“Guri ishte shtyrë tutje!”

“Trupi i Jezusit nuk ishte atje.”

“Engjëjt ishin atje!”

“Rrobat ishin të bardha si drita e diellit!”

“Ne ramë përmbys në tokë sepse ishim shumë të frikësuar!”

“Ai është i gjallë. Engjëjt na thanë kështu!”

“Jezusi është ngritur nga vdekja!”

A mendoni se dishepujt i besuan ato? (*Lejojini fëmijët që të përgjigjen.*) Bibla na tregon ne se çfarë menduan ata për këtë lajm. (*Mësues lexoni Lluka 24:11*) “Por këto fjalë iu dukën atyre si dokrra; dhe ata nuk u besuan atyre.” Këto fjalë iu dukën si budallallëqe atyre. Ata nuk e besuan atë që gratë u thoshin atyre.

**(VQ/SH/P2).** Ka shumë njerëz sot që nuk besojnë atë që gratë thanë. Madje dhe shumë njerëz që thonë se janë të krishterë nuk besojnë se Jezusi u ngrit nga vdekja; por Perëndia na e tregon ne qartë në Fjalën e Tij se Jezusi u ngrit nga vdekja, për shembull 1 Korintasve 15:3-4 (*lexoni nga Bibla juaj*), “Krishti vdiq për mëkatet tona...u varros dhe u ringjall ditën e tretë. “Në qoftë se Zoti Jezus nuk do të ishte ngritur nga vdekja, nuk do të kishte rrugëzgjdhje për shpëtimin tonë nga ndëshkimi për shkak të mëkateve tona. Duke e ngritur Jezusin nga vdekja Perëndia e tregoi se e pranoi sakrificën e jetës së Zotit Jezus. Ai tregoi se gjithë ndëshkimi ynë u mor nga Zoti Jezus në kryq. Ai pagoi në kryq për ne. Ne nuk kemi për të paguar asgjë. **Në qoftë se ju nuk keni besuar se Zoti Jezus u ngrit nga vdekja, ju nuk mund të besoni se Ai mori mbi vete të gjithë ndëshkimin për mëkatet tona. Në qoftë se ju me të vërtetë besoni se Zoti Jezus u ngrit nga vdekja, dhe ju i keni besuar Atij se mund t’ju falë mëkatet tuaja, atëherë ju kurrë nuk duhet të shqetësoheni për ndëshkimin e Perëndisë për mëkatet tuaja, atëherë ju kurrë nuk duhet të shqetësoheni për ndëshkimin e Perëndisë për mëkatet tuaja kur ju të vdisni. Për shkak se Perëndia e ngriti Zotin Jezus nga vdekja ju mund të dini se nuk keni asgjë për të paguar për mëkatet tuaja sepse Jezusi mori të gjithë ndëshkimin që ju meritoni. A besoni ju se Zoti Jezus u ngrit nga vdekja?**

Dishepujt akoma nuk besonin. Pjetri dhe Gjoni dolën nga dhoma dhe shkuan që të shikonin vetë varrin. (*Hiqni 1A-3, dhe më vonë 1A-4, 5 dhe 6.*) Në qoftë se dikush do ti kishte parë këta burra duke vrapuar me siguri do të kishin pyetur veten me çudi se çfarë kishin këta burra që vraponin si fëmijë. (*Në qoftë se jeni duke përdorur një ilustrim për varrin mund ta vendosni tani Figura 1-3*) Gjoni ishte më i shpejtë se Pjetri. Ai arriti i pari atje. Ai ndaloi i pari tek hyrja. Ai u përkul tek hyrja dhe shikoi brenda. Ai pa çarçafët me të cilët trupi i Jezusit ishte mbështjellë por jo trupin e Jezusit. Pastaj arriti Pjetri, ndoshta duke marrë frymë me zor, nxitoi brenda kaloi Gjoni duke hyrë brenda në varr, dhe ai gjithashtu pa çarçafët me të cilët ishte mbështjellë trupi i Jezusit por jo trupin e Tij. Dëgjoni Gjoni 20:6-7 dhe ngrini duart në qoftë se mund të më thoni se çfarë vuri re Pjetri për rrobat. (*lexoni vargun dhe lejojini fëmijët që të përgjigjen.*) Po, Pjetri vuri re se riza që qe vënë në kokën e Jezusit ishte palosur dhe ishte vënë mënjanë çarçafëve që kishin mbështjellë trupin e Tij. Pas Gjoni hyri në varr dhe Pjetri dhe ai i pa gjërat vetë. Rrobat ishin aty por trupi i Zotit Jezus nuk ishte aty.

A kishte mundësi që trupi të ishte vjedhur? Jo, askush që mund ta kishte vjedhur trupin nuk do të kishte shpenzuar kohë për të hequr rrobat dhe për më tepër varri kishte qenë i mbyllur dhe i ruajtur nga rojet. Pjetri dhe Gjoni ishin tani në gjendje të shikonin vetë se ajo që gratë kishin thënë ishte e vërtetë. Trupi i Zotit Jezus nuk ishte aty. Ata u larguan duke u përpjekur të arsyetonin atë që kishin parë. Pse trupi i Zotit Jezus nuk ishte atje? Po rrobat pse ishin atje?

**(VQP/Sh)** Ne e dimë pse trupi i Zotit Jezus nuk ishte në varr, apo jo? (*Lejoni një fëmijë që të përgjigjet*) Po, sepse Zoti Jezus u ngrit nga vdekja. **Perëndia e ngriti Jezusin nga vdekja kështu që Ai mund t’ju shpëtonte ju nga mëkati juaj. Një i vdekur nuk mund të ndihmojë askënd. Zoti Jezus mund t’ju falë ju nga mëkatet tuaja dhe t’ju shpëtojë ju nga ndëshkimi sepse Ai është i gjallë. A NDIHENI NDONJËHERË sikur jeni duke bërë një betejë me mëkatin? A jeni duke u përpjekur që ta luftoni mëkatin vetë për tu bërë i mirë që të pranoheni në parajsë, por mëkati zakonisht fiton? A jeni ju si ai djali i quajtur Andi i cili vendosi që të mos thoshte më fjalë të këqija sepse mendonte se kjo gjë do ta bënte atë një njeri më të mirë dhe ndoshta kështu Perëndia do ta lejonte që të hynte në parajsë? Por Andi e pa që ishte shumë e vështirë për të që të mos thoshte fjalë të këqija, veçanërisht kur ishte shumë i inatosur. Fjalët i rrëshqisnin nga goja përpara se ai të kishte kohë që t’i ndalonte ato. Andi nuk mund të ndalonte së mëkatuari vetë. Edhe ju gjithashtu nuk mund të ndaloni së mëkatuari vetë, por Jezusi tregoi se Ai e kishte fituar luftën me mëkatin njëherë e përgjithmonë duke u ngritur nga vdekja. Për shkak se Ai është i gjallë sot, Ai mund të falë mëkatet tuaja, në qoftë se ju vareni plotësisht tek Ai. Dhe Ai do t’ju ndryshojë ju dhe do të jetë me ju dhe do t’ju ndihmojë që të thoni “Jo” KUR JU TË TUNDOHENI që të bëni keq.**

Nga e dimë ne se Zoti Jezus ka fituar luftën me mëkatin? (*Lejojini fëmijët të përgjigjen.*) Ne e dimë se Ai ka fituar sepse Ai u ngrit nga vdekja por miqtë e tij akoma nuk kishin kuptuar gjithçka. Ata nuk ishin të sigurt që Ai ishte ende gjallë.

Maria Magdalena ishte kthyer përsëri në kopsht. (*Vendosni 1A-6 Figura 1-4*). Ndoshta ajo ngadalë kishte ndjekur Pjetrin dhe Gjonin. Ata ishin larguar tashmë dhe Maria Magdalena kishte ngelur vetëm jashtë varrit, duke qarë. Ajo nuk mund ta kuptonte se çfarë kishte ndodhur. Ajo akoma mendonte se dikush kishte marrë trupin e Zotit Jezus. Maria u përku për të parë në varr edhe një herë... dhe atë herë ajo pa dy engjëj, njëri ishte ulur atje ku kishte qenë koka e Zotit Jezus, dhe tjetri ishte ulur atje ku kishin qenë këmbët e Tij. (*Lexoni atë që Gjoni shkruan tek 20:13*). “Ata thanë:” O grua, pse po qan?”. Ajo iu përgjigj atyre: “Sepse e kanë hequr Zotin tim, dhe nuk e di ku e kanë vënë”. (*Figura 1-5*) Maria u kthye. Ndoshta ajo nuk mund të duronte dot tek shikonte varrin bosh. Ndërsa ajo po kthehej (*Vendosni 1A-7*) dikush tjetër e pyeti atë (*lexoni nga Gjoni 20:15*) “O grua pse po qan?” “Kë po kërkon”? Ajo duke menduar se ishte kopshtari i tha: “Zot, po e pate hequr ti, më trego ku e vure dhe unë do ta marr.” “Mari!” tha personi dhe Maria menjëherë e kuptoi. (*Figura 1-6*) Ishte Jezusi! Ai ishte me të vërtetë gjallë! Maria ngazëllehej nga gëzimi! Ajo kishte parë Jezusin me sytë e vet dhe Ai ishte gjallë! Bibla na tregon se kjo ishte një ngjarje shumë e veçantë (*mësues, lexoni vargun e duhur nga Marku 16:9*) “Iu shfaq së pari Mari Magdalenës” Maria Magdalena ishte personi i parë që e pa Jezusin pasi Ai u ngrit nga vdekja.

Sa ndryshe duhet të jetë ndier ajo tani që ajo e dinte që Jezusi ishte i gjallë përsëri. Ajo kishte qenë kaq e trishtuar sepse kishte menduar se nuk do ta shikonte Atë përsëri, por tani ishte e lumtur sepse e kishte parë Atë të gjallë.

**(VQSH4)** Ai është i gjallë dhe sot dhe gjithmonë do të jetë. Zoti Jezus nuk do të vdesë kurrë përsëri. **Dëgjoni se çfarë u ka premtuar ndjekësve të Tij.** (*Lexoni pjesë nga Mateu 28:20 nga Bibla juaj.*) “Dhe ja, unë jam me ju gjithë ditët,...) Ai është i aftë ta bëjë këtë gjë sepse Ai është i gjallë përgjithmonë. Në qoftë se ju jeni një i krishterë, Ai premtonte se do të jetë me ju gjithmonë. Kështu, sa herë që ju jeni të frikësuar, mbani mend Ai është me ju dhe kërkoni Atij që t’ju ndihmojë ju. Ndoshta shokët e klasës tallen me ty sepse ti je i krishterë. Mbani mend Jezusi është me ju dhe besoni se Ai do t’ju ndihmojë ju. Ndoshta ju shtriheni në krevat dhe keni frikë nga errësira. Mbani mend Jezusi është me ju dhe ju mund të flisni për këtë gjë. Kur ju tundoheni që të bëni diçka të gabuar mbani mend Jezusi është me ju dhe Ai mund t’ju jap forcë të thoni “Jo” çdo gjëje që do ta lëndonte Atë. Vetëm atëherë kur Andi u bë i krishterë ishte i aftë që të ndalonte të përdorte fjalët e këqija. Ai shpesh i kërkonte Zotit Jezus që ta ndihmonte atë që të mos thoshte fjalë të këqija. Ai e dinte që Shpëtimtari i tij ishte gjithmonë me të dhe në qoftë se ai do të bënte diçka të keqe do të lëndonte Zotin Jezus, sepse ai e kuptoi se sa shumë kishte vuajtur në kryq Jezusi, për të. Ky ndryshim ndodh vetëm atëherë kur e di që Jezusi është me ju.

Sigurisht që për Marinë ishte diçka krejt tjetër që të shihte Jezusin gjallë. (*Hiqni 1A-7*). Edhe një herë ajo shkoi tek dishepujt. (*Vendosni 1A-3.4 dhe 5*) Ata ishin akoma duke qarë, duke vajtuar vdekjen e Zotit Jezus kur Maria hyri në dhomën e mbushur me gëzim e ngazëllim për tu treguar atyre se Jezusi ishte gjallë. Por megjithëse ajo u tha atyre që e kishte parë atë me sytë e saj, ata akoma nuk e besonin atë. (*Hiqni 1A-6*)

Po atë të diel në mbrëmje, dishepujt ishin akoma duke u fshehur në atë dhomë, akoma me derën e mbyllur, akoma të mbushur me trishtim dhe frikë. Papritmas ata panë Jezusin që qëndronte në mes të dhomës! (*Vendosni 1A-7 Figura 2-1*) (*Lexoni çfarë Jezusi thotë tek Gjoni 20:19*.) “Paqja me ju”. Ai tha. Ai u tregoi atyre duart e Tij dhe brinjën e Tij. Tashmë dishepujt e kishin parë Atë me sytë e tyre. Tani ata e besonin që Ai ishte i gjallë. Trishtimi i tyre kishte kaluar tashmë ata ishin të mbushur me gëzim. Ishte e vërtetë. Jezusi ishte ngritur nga vdekja.

Pas kësaj Zoti Jezus iu shfaq shumë njerëzve disa herë. Njëherë Ai iu shfaq një turme prej 500 vetash. Ai kaloi kohë me dishepujt e Tij, duke i mësuar ata duke i ndihmuar të kuptonin se çfarë kishte ndodhur në kryq.

Dyzet ditë pasi Ai ishte ngritur nga vdekja, Zoti Jezus ishte me dishepujt e Tij. Ai u tha atyre që të prisnin në Jeruzalem deri sa Fryma e Shenjtë të vinte. Fryma e Shenjtë do t’i ndihmonte ata

që të mësonin të tjerët për Të. Pastaj, ndërsa dishepujt e vështronin, Zoti Jezus u ngrit lart. (*Hiqni 1A-7*) Një re e përfshiu dhe ua hoqi prej syve të tyre. Papritur, dy burra me rroba të bardha (engjëj) iu paraqitën atyre. Ja çfarë thanë ata. (*Lexoni nga Veprat e Apostujve 1:11.*) “Burra Galileas, pse qëndroni dhe shikoni drejt qiellit? Ky Jezus, që u është marrë në qiell nga mesi juaj, do të kthehet në të njëjtën mënyrë, me të cilën keni parë të shkojë në qiell.”

**(VQP 5)** A kishte vdekur përsëri Zoti Jezus? (Lejojini fëmijët të përgjigjen.) Jo, Ai shkoi në Qiell i gjallë. Dishepujt nuk ishin të mërzitur tani. Ata e dinin se një ditë ata do të ishin me Jezusin në Qiell dhe Ai ua kishte premtuar këtë, ndërkohë Fryma e Tij e Shenjtë do të vinte të qëndronte me ta. **A është Zoti Jezus gjithmonë me ju? A i keni besuar atij si Shpëtimtarit tuaj? Në qoftë se përgjigja juaj e kësaj pyetje është “Jo” mendoni me kujdes për atë që do të them unë tani. Zoti Jezus mori ndëshkimin tuaj kur Ai vdiq në kryq, dhe Ai mund të falë mëkatit tuaj sot sepse Ai u ngrit përsëri dhe është i gjallë. Në qoftë se ju e keni kuptuar se ju jeni një që meritoni të ndëshkoheni, falenderoni Zotin Jezus që e mori ndëshkimin tuaj, tregojini Atij t’ju shpëtojë ju nga ndëshkimi kur ju të vdisni. Fjala e Perëndisë thotë, (*lexoni nga Romakët 10:13*). “Kushdo që do ta thërrasë emrin e Zotit do të shpëtohet.” Në qoftë se ju i kërkonte Zotit Jezus që t’ju shpëtojë ju tani, atëherë ju mund të dini se premtimi i Shpëtimtarit të ngritur është për ju gjithashtu. Shpëtimtari juaj i gjallë, Zoti Jezus, do të jetë gjithmonë me ju.**

### Pyetje Përsëritëse

1. Pse ishin dishepujt të mërzitur dhe të frikësuar? (*Të mërzitur sepse Jezusi kishte vdekur; kishin frikë se mos arrestoheshin / ndëshkoheshin / dhe kishin frikë nga vdekja.*)
2. Çfarë erdhi dhe u tha dishepujve Maria Magdalena? (*Trupi i Zotit Jezus nuk ishte më në varr.*)
3. Gra të tjera erdhën. Çfarë menduan dishepujt për atë që u thanë gratë? (*Ata menduan se ishin budallallëqe; nuk i besuan ato.*)
4. Pse është e rëndësishme të besosh se Zoti Jezus u ngrit nga vdekja? (*Në qoftë se Ai nuk do të ishte ngritur Ai nuk do të mund të na falte mëkatet tona.*)
5. Çfarë do ti thoni dikujt që vendos të ndalojë së mëkatuari dhe të bëhet i mirë dhe kështu mund të hyjë në parajsë? (*Kjo gjë nuk mund të bëhet vetë se ka nevojë për faljen e mëkateve dhe ndihmë për të ndryshuar.*)
6. Kur Maria Magdalena u kthye tek varri dhe vështroi brenda, cilin pa ajo brenda? (*Dy engjëj*)
7. Çfarë e bëri Maria Magdalenën të kuptonte që ishte Jezusi ai që po i fliste? (*Ai i foli në emër.*)
8. Çfarë ndryshimi mund të sjellë tek një i krishterë kur ai e di se Jezusi është gjithmonë me të? (*I inkurajon kur janë të frikësuar; i ndihmon kur janë të tunduar.*)
9. Kur e besuan dishepujt përfundimisht se Jezusi ishte ngritur? (*Kur Ai iu shfaq atyre në dhomë.*)
10. Çfarë ndodhi 40 ditë pasi Jezusi u ngrit nga vdekja? (*Ai u kthye në qiell.*)

### Udhëzime për bërjen e figurës së varrit

Përdorni copë (ose letër të hollë të veshur me copa ngjitëse të mbetura nga përgatitja e flanelografit) për të bërë formën e varrit dhe të gurit të hyrjes. Vizatoni një skicë me dorë të lirë duke u siguruar se është në përputhje me figurat, ose zmadhoni modelin më poshtë për ta përdorur si etalon, duke hequr rripin e ngjitur tek guri dhe duke e bërë hyrjen e errët.



## **Detyrë për në shtëpi**

---

Siguroni një kopje të vizatimit të varrit dhe të gurit (me rripin e ngjitur) në një fletë të hollë, për çdo fëmijë. Fëmijët mund të bëjnë nga kjo që vjen më poshtë aq sa ju lejon mundësia koha dhe aftësia. Përgatituni përpara se ata nuk do të kenë kohën dhe aftësinë për ta bërë këtë gjë vetë. Prisni figurat e varrit dhe të gurit, duke mbajtur mend se duhet ta mbani rripin të ngjitur me gurin. Bëni dy prerje për së gjati tek varri siç tregohet te figura (tek "a"-ja dhe "b"-ja) Kalojeni rripin e ngjitur tek guri tek këto prerje. Guri mund të mbulojë hyrjen, por kur të largohet (duke tërhequr rripin) duhet të lexohen fjalët. Ju mund të siguroni lapsa me ngjyra të përshtatshëm për të ngjyrosur shkëmbin.

Në qoftë se ju keni figura flanelografi nga seritë "Jeta e Krishtit" volumi 4, sipas dëshirës mund të përdorni figurat e mëposhtme për këtë seksion: 4c-260 (Jezusi)? 4c-256 (dishepujt), 4c-267 (ngritja e Jezusit)? 4c-268 (burrat me të bardha).

Në qoftë se keni librin me figura, ju mund të përdorni skenat 24-4,5 dhe 6.

# **Jezusi është ngritur**

**Dëshmitarët**

**Fryma e Shenjtë.**

---

---

# Mësimi Dy

## Fuqia e Perëndisë për të Krishterët

---

<b>Vargjet nga Bibla</b>	Veprat e Apostujve 2:1-41.
<b>E Vërteta Qendrore</b>	<b>Perëndia, Frymë e Shenjtë jeton në çdo të krishterë.</b>
<b>Zbatimi</b>	<b>Për të shpëtuarit:</b> Besojini Zotit Jezus si Shpëtimtarin tuaj, dhe Fryma e Shenjtë do të jetojë në ju. <b>Për të shpëtuarit:</b> Ai do t'ju ndihmojë ju që të jetoni ashtu siç do Perëndia, që ju të jetoni.
<b>Vargu përmendësh</b>	<i>Veprat e Apostujve 1:8 "Ju do të merrni fuqi kur Fryma e Shenjtë do të vijë mbi ju dhe do të bëheni dëshmitarët e mi në Jeruzalem dhe në gjithë Judenë, në Samari dhe deri në skajin e dheut."</i>

Zoti Jezus i tha këto fjalë pak përpara se Ai të ngjitej në qiell. Perëndia dëshiron që fëmijët e Tij ti tregojnë të tjerëve për Të. Kjo mund të ketë një gjë të vështirë për t'u bërë, por Ai nuk i ka lënë ata pa ndihmë. Perëndia, Frymë e Shenjtë jeton në çdo fëmijë të Perëndisë për t'u dhënë atyre fuqi dhe ndihmën për të cilën ata kanë nevojë për tu treguar të tjerëve për Zotin Jezus.

**Mjetet Vizive:** Figurat për flanelografin: **1A-11, 12, 13, 14, 15, 16, 17, 30, 34 dhe 38.**

**E vërteta kryesore** në një qark letre. Tregojeni këtë qark sa herë që të mësoni të vërtetën kryesore.

Mund t'ju ndihmojë shumë në qoftë se ju keni këto fjalë në shirita **demonstrativë:** Fryma e Shenjtë, Dishepujt, Besimtarët, Jeruzalemi, Pendohuni.

Për të ndihmuar në përfundimin e mësimin mbi Frymën e Shenjtë, ju mund të keni fjalët e mëposhtme të treguara në **shirita demonstrativë:**

I krishterë, Fryma e Shenjtë mund t'ju ndihmojë ju që të:

- \* Jetoni që të kënaqni Perëndinë.
- \* Dini kur ju jeni duke gabuar.
- \* Kuptoni Fjalën e Perëndisë.
- \* Dini që ju i përkisni Jezusit
- \* Bëheni më shumë se Jezusi.

### Përmbledhja e Mësimin

**Hyrje:** Duke pritur për dikë që të mbajë një premtim.

**Rrjedhja e ngjarjeve.:**

1. Besimtarët duke pritur për Zotin Jezus që të mbajë premtimin e Tij (VQ 1)
2. Fryma e Shenjtë vjen (VQSh 2).
3. Besimtarët flasin në gjuhë të ndryshme. (VQSH 3)
4. Pjetri predikon.
5. "Çfarë duhet të bëjmë ne?" (VQP 4)

**Kulmi:** . 6. 300 të shpëtuar.

**Përfundimi:** 7 Ata besojnë premtimin e Frymës së Shenjtë (VQSH/P 5).

## Mësimi

A keni pritur ndonjëherë për dikë që të mbajë një premtim ndaj jush? Ndoshta gjyshërit tuaj ju kanë premtuar që do të vinin të shtunën për t'ju çuar në park, ose në një dyqan lojërash, ose ndoshta për të ngrënë një akullore. Si do të ndjeheshit ju të shtunën në mëngjes? Ndoshta ju do të qëndroni tek dritarja duke pritur për ta; ndoshta ju përpiqeni që të shikoni televizor ose të luani me diçka, por vazhdimisht shikoni nga dera për të parë nëse ata janë duke ardhur. Është emocionuese kur ne e dimë se diçka e mirë do të ndodhë. Ne dëshirojmë që të ndodhë sa më shpejt.

Unë vras mendjen nëse dishepujt e Zotit Jezus u ndien ndopak kështu kur Ai u kthye në qiell. Zoti Jezus u kishte dhënë dishepujve të Tij një premtim përpara se ti linte ata. Ata duhet të prisnin në Jeruzalem (vendosni 1A-11) për dikë shumë të veçantë që do të vinte. A e mbani mend nga java e kaluar (ose nga vargu ynë përmendësh sot). Kush ishte? (Lejojini fëmijët të përgjigjen). Po, Zoti Jezus premtoi të dërgonte Frymën e Shenjtë.

**(VK 1)** A e dini kush është Fryma e Shenjtë? (Ju mund të dëshironi të lejoni disa fëmijë të përgjigjen.) Ai është Perëndi, ashtu si Zoti Jezus dhe Perëndia. Ka vetëm një Perëndi, por Ai është një Perëndi në tre persona: Perëndia Atë, Perëndia Bir, (Zoti Jezus) dhe Perëndia Frymë e Shenjtë. Kjo është diçka që ne nuk mund ta kuptojmë por ne e besojmë Atë sepse kjo është çfarë Bibla na mëson.

Fryma e Shenjtë nuk ka trup. Ai është një shpirt kështu Ai nuk mund të shikohet. Si mund ta njihnin dishepujt ardhjen e Tij?

(Figura 2-2) Dishepujt dhe besimtarët e tjerë ishin duke pritur së bashku në qytetin e Jeruzalemit, ashtu siç u kishte thënë Zoti Jezus. Ishte një kohë shumë e zënë me punë, shumë njerëz kishin ardhur të vizitonin Jeruzalemin me rastin e festës Hebraike të të korrave, të quajtur Rrëshajat. Këta Hebrenj dhe të tjerët të cilët adhuronin Perëndinë e vërtetë, kishin ardhur nga shumë vende të ndryshme, ku flisnin gjuhë të ndryshme, por ata donin të ishin në Jeruzalem, atje ku ishte tempulli, për të festuar Festën e Rrëshajave. Shumë nga ata kishin qenë atje qysh nga Festa e Pashkës, 50 ditë më parë, kur Zoti Jezus u kryqëzua. Madje disa nga ata e kishin parë çfarë i kishte ndodhur Atij.

Midis gjithë këtyre njerëzve, në një shtëpi diku në Jeruzalem, rreth 120 Besimtarë, duke përfshirë dhe dishepujt, ishin duke pritur së bashku për Frymën e Shenjtë që të vinte. Ata quheshin Besimtarë, sepse ata besonin se Zoti Jezus ishte Ai që Perëndia kishte premtuar në Bibël: Ai që do të shpëtonte popullin e Tij nga mëkatet e tyre. Tani ata po prisnin që Ai t'u dërgonte Frymën e Shenjtë ashtu siç kishte premtuar. Por një gjë mahnitëse ndodhi. Dëgjoni me kujdes se çfarë na thotë Fjala e Perëndisë. (Lexoni nga Veprat e Apostujve 2:2-3) (Figura 2-3) “Dhe Fryma e Shenjtë kishte ardhur të jetonte tek Besimtarët! Zhurma e erës dhe gjuhët e zjarrit u dërguan nga Perëndia për të treguar se Fryma e Shenjtë kishte ardhur të jetonte në ta. Ata nuk mund ta shihnin Atë sepse Ai është Frymë, por ata e dinin se Ai kishte ardhur për shkak të këtyre shenjave. Ku ishte Fryma e Shenjtë tani? (Lejoni fëmijët që të përgjigjen.) Ai jetonte në secilin nga këta besimtarë.

**(VQSH 2)** Ku është Fryma e Shenjtë sot? (Lejoni fëmijët të përgjigjen.) Ai është duke jetuar tek Ata që i kanë besuar Jezusit, si Zotin dhe Shpëtimtarin e tyre. **Në qoftë se ju jeni kthyer nga mëkatet tuaja dhe keni besuar tek falja që Zoti Jezus jep, Fryma e Shenjtë jeton tek ju. Ai është aty për t'ju ndihmuar ju që të jetoni ashtu siç do Perëndia që ju të jetoni. Ai ju bën juve të ndjeheni keq kur ju bëni diçka gabim. Ai ju ndihmon që të kuptoni Fjalën e Perëndisë ndërsa ju e lexoni atë vetë në shtëpi ose e dëgjoni atë në kishë ose tek “Klubet e Lajmit të Mirë”. Ai ju ndihmon ju që të jeni të sigurt brenda jush se ju i përkisni Zotit Jezus. Ai ju ndryshon ju që ju të bëheni më shumë si Zoti Jezus. Ndoshta ju e kishit zakon që të mendonit më shumë për veten, por që kur ju e besuat Zotit Jezus si Shpëtimtarin tuaj ju keni më shumë dëshirë që ti ndani ato që keni me të tjerët. Është Fryma e Shenjtë që po ju ndryshon ju dhe ju ndihmon ju të jetoni ashtu siç dëshiron Perëndia që ju të jetoni. A nuk është e mrekullueshme të dish se Perëndia i ka dhënë Frymën e Shenjtë të gjithë atyre që besojnë?**

Kur Fryma e Shenjtë erdhi atë ditë, Perëndia u tregoi të tjerëve në një mënyrë të veçantë se Ai jeton në Ata që besuan në Zotin Jezus.

Njerëz të tjerë afër shtëpisë mund të kenë dëgjuar një zhurmë si ajo e erës. Ndoshta një turmë e madhe u mbledh për të parë se nga erdhi kjo zhurmë. (vendosni 1A-12, 17, 30, 34, 38 turmën dhe 1A 13 dhe 14 dy dishepujt. **Figura 2-4**) Ata u habitën dhe u mrekulluan kur ata dëgjuan dishepujt që të flisnin. Mbani mend se në Jeruzalem kishin ardhur njerëz nga shumë vende, ku fliten shumë gjuhë të ndryshme. Çdo person që ishte me turmën dëgjoji besimtarët të flisnin në gjuhën që ata përdornin në vendin nga vinin Perëndia ishte duke bërë diçka të veçantë që të tregonte se Fryma e Shenjtë kishte ardhur të jetonte me ata që besonin në Zotin Jezus. Fryma e Shenjtë po i ndihmonte besimtarët të flisnin në gjuhë të cilat ata nuk i dinin.

Çfarë ndryshimi kishte ndodhur tek këta besimtarë. Pas vdekjes së Zotit Jezus, dhe përpara sesa ata ta dinin që Ai ishte ngritur nga vdekja, a ju kujtohet sesi u fshehën ata në një dhomë sepse kishin frikë se mos arrestoheshin sepse ndiqnin Zotin Jezus. Tani ata ishin duke folur për Të në rrugë, kujtdo që do të dëgjonte!

**(VQSH 3)** Çfarë kishte ndodhur? Ishte Fryma e Shenjtë që jetonte në ta dhe që u jepte atyre kurajën për të folur për Zotin Jezus. **Të krishterë, a e keni ju të vështirë për t'i folur për Zotin Jezus miqve tuaj? Ndoshta disa nga ata e përdorin keq emrin e Zotit Jezus dhe ju e dini që duhet t'ia shpjegoni atyre përse nuk duhet ta bëjnë këtë gjë. Kërkojini Perëndisë që t'ju japë juve kurajë dhe t'ju ndihmojë ju me anë të Frymës së Tij të Shenjtë.**

**Le të mendojmë për një moment për një vajzë të quajtur Sara. Ajo është e krishterë, por shokët e saj të shkollës nuk janë. Sara do të jetojë ashtu siç dëshiron Perëndia dhe ajo e di që Perëndia dëshiron që ajo t'u flasë të tjerëve për Të. Miqtë e Sarës ndonjëherë e përdorin emrin e Perëndisë në mënyrë të gabuar. (Të përfshini sa më shumë fëmijë në përgjigjen e pyetjeve të mëposhtme). Çfarë mendoni se duhet të bëjë Sara? Si mund t'u thotë diçka në mënyrë të këndshme? Si mendoni se mund të ndjehen shokët e saj. Çfarë mund të bëjnë / thonë. (kujtojini fëmijëve që shokët e saj mund të reagojnë në një mënyrë të papëlqyeshme – fjalë të ashpra, jo më miqësorë) A do ta ndihmonit ju Sarën? Nëse Sara do ti bënte këto gjëra, si do të ndjehej Perëndia?**

(VVDF) Ndoshta ti je një i krishterë dhe ke probleme si Sara. Ndonjëherë mund të të duket e vështirë për të ditur se çfarë të bësh dhe do të doje të dije se çfarë thotë Bibla. Mban mend që mund të vish dhe të flasësh me mua pas takimit dhe unë do të të ndihmoj për të gjetur atë që ti ke nevojë të dish nga Bibla. Ndoshta ti e di se çfarë Perëndia dëshiron që ti të bësh, por të duket kaq e vështirë. Nëse ti do të më tregosh për këtë, unë do të lutem për ty, që Perëndia të mund të të ndihmojë nëpërmjet Frymës së Shenjtë që jeton me ty.

**Fryma e Shenjtë do të të ndryshojë në shumë mënyra. (Ju mund t'i përfshini fëmijët duke i pyetur "Çfarë ndryshimesh mendoni se do të venë re tek ju prindërit / shokët / mësuesja e "klubit të fëmijëve" dhe i lejoni të sugjerojnë përgjigjet e tyre). Prindërit do të venë re se si ti je më i bindur, dhe më i gatshëm për të bërë çfarë të është thënë. Shokët do të venë re që ti nuk shkruan më fjalë të pahijshme prapa shpinës së tyre. Mësuesi i "Klubit të fëmijëve" do të vërë re se ti me të vërtetë dëshiron të mësosh më shumë nga Fjala e Perëndisë. Fryma e Shenjtë mund të të ndryshojë ashtu siç Ai ndryshoi besimtarët në Jeruzalem.**

(Lexo Veprat 2:12) Njerëzit në turmë habiteshin dhe pyesnin njëri-tjetrin "Çdo të thotë kjo"? Bibla na tregon se ata dëgjuan besimtarët të flisnin rreth veprave të mrekullueshme të Perëndisë. Unë jam i sigurt se besimtarët po u tregonin atyre se si Perëndia dërgoi Zotin Jezus për të qenë i Vetmi që do të falte mëkatën dhe do t'i përgatiste ata për në Mbretërinë e Perëndisë. Disa njerëz dëgjonin me shumë vëmendje por të tjerët qeshnin dhe talleshin me besimtarët që flisnin në shumë gjuhë të ndryshme. Ata thoshin (Lexo Veprat 2:13) "Janë plot me verë të ëmbël" Ata mendonin se besimtarët ishin të dehur.

Atëherë Pjetri u ngrit (lëviz 1A-13 ngadalë drejt turmës **Figura 2-4**) dhe ngriti zërin për të shpjeguar se çfarë po ndodhte. Ai i tha turmës se profeti Joel e kishte thënë që kjo do të ndodhte. (Hapeni Biblën tek Joeli ndërsa flisni për t'iu treguar fëmijëve që i kemi fjalët në Dhiatën e Vjetër pa humbur kohë për t'i shpjeguar ato. Perëndia i kish thënë popullit të tij nëpërmjet profetit Joel shumë vite përpara që Ai do të dërgonte Frymën e Tij dhe që kushdo që

do të thërrasë emrin e Zotit do të shpëtohet (Joeli 2:32). (Në seksionin e mëposhtëm referojuni vazhdimisht kapitullit 2 të veprave në mënyrë që fëmijët të mund të kujtojnë vazhdimisht burimin e informacionit tuaj.) Pjetri u tha atyre se si Zoti Jezus u vu të vdiste në kryq; dhe se si Ai dhe shumë të tjerë e kishin parë Atë pasi Perëndia e kishte ngritur nga vdekja. (Figura 2-5) Shumë nga pasuesit e Zotit Jezus ishin atje dhe mund tu thoshin njerëzve “Ne e pamë Atë me sytë tanë...” Pjetri shpjegoi se Zoti Jezus ishte kthyer në qiell dhe kishte dërguar Frymën e Shenjtë. Ishte Fryma e Shenjtë që i bënte besimtarët të aftë të flisnin në gjuhë të tjera, dhe i ndihmonte ata të tregonin për Zotin Jezus.

Fryma e Shenjtë po u fliste gjithashtu shumë njerëzve në turmë. Ata ende nuk kishin besuar në Zotin Jezus për ti falur mëkatet; Fryma e Shenjtë nuk jetonte në ta por Ai po u fliste atyre. Ai po bënte që ata të ndjenin keqardhje për mëkatet e tyre; Ai po i ndihmonte të kuptonin që mund ti largonin mëkatet, duke besuar se Zoti Jezus e mori ndëshkimin e tyre në kryq, dhe duke besuar që Ai mund ti falë. Kështu ata pyetën (lexo Veprat 2:37). “Çfarë duhet të bëjmë?”

(V.Q.P.4) A e keni bërë ndonjëherë këtë pyetje? A ta ka treguar Fryma e Shenjtë mëkatin dhe se sa i tmerrshëm është? A dëshiron të dish se si mund ta heqësh qafe mëkatin dhe të mund të jesh me Perëndinë në Qiell një ditë? Dëgjo se çfarë Pjetri u tha njerëzve të bëjnë (shiko Veprat 2:38) Ai u tha atyre se duhet të pendoheshin. Të pendohesh do të thotë të të vijë keq për mëkatin dhe se nuk do të mëkatosh më kundër Perëndisë. Ti mëkaton kundër Perëndisë kur nuk i bindesh urdhrave të Tij dhe kur mendon se mëkati të është falur në ndonjë rrugë tjetër dhe jo nëpërmjet Zotit Jezus. Zoti Jezus u ndëshkua nga Perëndia për mëkatin tënd kur Ai vdiq në kryq. Tani ti nuk ke nevojë të ndëshkohesh për mëkatin tënd nëse pendohesh dhe beson se Ai mund të të falë. Kjo është e vetmja mënyrë që mëkati të të falet. Pjetri u tha njerëzve që nëse ata pendohen dhe i besojnë Zotit Jezus për falje (lexo Veprat 2:38) ata do të merrnin Frymën e Shenjtë. Ai do të jetojë në ta për t'i ndihmuar të kënaqin Perëndinë. A do të refuzosh ti kërkosh falje Zotit Jezus, sepse mendon se nuk mund të ndryshosh; sepse mendon se nuk mund të ndalosh së mëkatuari? Mos e përdorni më këtë justifikim. Nëse ti i beson Zotit Jezus si Shpëtimtarit tënd, Fryma e Shenjtë do të vijë të jetojë në ty dhe Ai do të ndryshojë. Pjetri u tregoi njerëzve se premtimi i Frymës së Shenjtë ishte (Lexo Veprat 2:39) “për ju dhe për bijtë tuaj dhe për të gjithë ata që janë larë, për ata që Zoti Perëndia ynë do të thërrasë.” Premtimi është për të gjithë ata që besojnë te Zoti Jezus. Premtimi është për ju sot, sikurse atë ditë për njerëzit në Jeruzalem.

Ishte një ditë shumë e veçantë për rreth 3000 njerëz në turmë. Ky është numri i njerëzve që besuan te Zoti Jezus si Shpëtimtarin e tyre atë ditë. (Figura 2-6 Hiqni të gjithë figurat përveç 1A-17) 3000 besimtarë të rinj? 3000 njerëz më shumë që tashmë kishin Frymën e Shenjtë në ta, për t'i ndryshuar ata dhe për t'i ndihmuar të jetonin në mënyrë të kënaqshme për Perëndinë. Gjuhët e flakës nuk u shfaqën tek ata; por ata i besuan premtimit të Perëndisë, se Fryma e Shenjtë do të vijë të jetojë në të gjithë ata që kthehen nga mëkati dhe besojnë te Zoti Jezus për falje.

**(VQSH /P5) A jeton Perëndia Frymë e Shenjtë në ju sot? Nëse ti ke besuar te Zoti Jezus si Shpëtimtar, po Ai jeton. Askush s'mund ta shohë atë në ty, por mund të shohë ndryshimet që Ai ka bërë në jetën tënde. Ti nuk do të jesh , papritur, i aftë të flasësh me gjuhë të panjohura – kjo ishte diçka e veçantë që Perëndia e bëri; me qëllim që shumë njerëz të mund të dëgjonin rreth Zotit Jezus njëherazi. Kështu që ata do të dinin se Ai kishte dërguar Frymën e Shenjtë siç kishte premtuar – por njerëz të tjerë do të shohin ndryshime në sjelljen dhe qëndrimin tuaj. Ndoshta ti e ke besuar Zotin Jezus si Shpëtimtarin tënd, por nuk e ke ditur më parë se Fryma e Shenjtë jetonte në ty. Tani që ti e di, ti mund të varesh tek Ai, për të të ndihmuar në situata të vështira. Kur tundohesh për të gabuar, mbaj mend se Ai është aty me ty dhe mendo sa shumë do të lëndohej Ai, nëse ti do të gaboje.**

Ndoshta Fryma e Shenjtë nuk është akoma duke jetuar në ty por Ai të ka folur rreth mëkatit. A të vjen keq për mëkatin që ke bërë? A dëshiron të largohesh prej tij? A e kupton që Zoti Jezus është i vetmi që mund të të falë mëkatin? Nëse ti i përgjigjesh “Po” këtyre pyetjeve, dëgjo çfarë Fryma e Shenjtë po të thotë dhe bëj diçka për këtë. Tregoji Perëndisë sa keq të vjen që ke mëkatuar kundër Tij. Falenderoje Atë që ndëshkoi Zotin Jezus në vendin tënd. Kërkoi të të falë dhe beso se Ai do të të falë. Mbaj mend çfarë Pjetri u tha njerëzve. Pendohu për mëkatin tënd dhe beso Zotin Jezus për falje. Nëse ti e

**bën këtë sot Fryma e Shenjtë do të vijë të jetojë me ty, sepse Perëndia i ka premtuar Frymën e Shenjtë të gjithë atyre që besojnë te Zoti Jezus për falje.**

### **Pyetje për përsëritje**

1. Kë premtoi Jezusi se do të dërgonte? (Frymën e Shenjtë)
2. Kush është Fryma e Shenjtë? (Perëndia)
3. Cila ishte shenja që tregoi se Fryma e Shenjtë kishte ardhur të jetonte në 120 besimtarët në Jeruzalem (ushtima e erës; gjuhët e zjarrit).
4. Si e kuptuan njerëzit nga vendet e tjera se çfarë po thoshin besimtarët? (Fryma e Shenjtë i bëri besimtarët të aftë të flisnin në gjuhë të tjera)
5. Ku banon sot Fryma e Shenjtë? (Tek të gjithë ata që besojnë te Zoti Jezus për falje.)
6. Trego një mënyrë në të cilën Ai ndihmon. (Të ndihmon të jetosh duke kënaqur Perëndinë, të kuptosh gabimet që bën, të kuptosh Fjalën e Perëndisë, të dish se i përket Jezusit, të bëhesh sa më shumë si Jezusi.)
7. Pse besimtarët nuk kishin më frikë për të folur rreth Jezusit (Fryma e Shenjtë që jetonte në ta i ndihmoi të ishin të guximshëm.)
8. Pjesa më e madhe e njerëzve në turmë nuk ishin besimtarë. Për çfarë po u fliste Fryma e Shenjtë atyre? (Për mëkatet e tyre)
9. Çfarë u tha Pjetri se duhej të bënin? (Të pendoheshin)
10. Për çfarë premtimi nga Perëndia iu tregoi atyre? (Që nëse do të pendoheshin dhe do të besonin në Jezusin do të merrnin Frymën e Shenjtë.)

### **Detyrë Shtëpie**

Mund të zgjidhni një nga këto ide si dhe vizatimet mund të ndjekin diskutimin për të ilustruar shembullin e zgjedhur nga fëmijët.

1. Ndajini fëmijët në grupe të vogla dhe caktoni një mësues/ndihmës të drejtojë secilin grup. Jepini çdo grupi një copë letër dhe një laps për të bërë një listë të gjërave që Fryma e Shenjtë mund të ndryshojë në jetën e secilit sipas moshave që kanë.
2. Jepi çdo fëmijë nga një copë letër të ndarë me një vijë nga lart poshtë ose që kalon në mes. Të dy gjysmat e faqes duhet të emërohen “përpara” dhe “pas”. Secili fëmijë duhet të tregojë një shembull sesi një person sillet përpara dhe pasi Fryma e Shenjtë ta ketë ndryshuar atë.

1

Këtu mund të përdorni shkurtimisht figurat 1A-15 dhe 16. Në qoftë se ju do ti përdorni do të ishte mirë ti vendosni ato të ndara në një tabelë të vogël ose në një zarf.

9

i shpëtuar

10

Të krishterë

Fryma e Shenjtë

Ringritja

Rrëshajat

Dëshmitarët

<sup>1</sup> Vini re se në varg thuhet . Ushtima e një ere të furishme,/ të shpejtë / të fuqishme. Ne e marrim me mend se efektet e erës nuk janë parë dhe as ndierë por vetëm është dëgjuar oshtima.

# Mësimi Tre

## Perëndia punon nëpërmjet të Krishterëve

---

Vargjet nga Bibla	Veprat e Apostujve 3:1-16
E Vërteta Qendrore	Zoti Jezus Krisht mund të plotësojë nevojën tënde më të madhe.
Zbatimi	<p><b>Për të pashpëtuarit</b> :Zoti Jezus është i vetmi që mund të largojë mëkatin, besojini atij.</p> <p><b>Për të shpëtuarit</b>: Tregojini të tjerëve sesi Zoti Jezus mund të plotësojë nevojën e tyre më të madhe.</p>
Vargu përmendësh	<p><i>Veprat 3:19</i></p> <p><i>“Pendohuni pra dhe kthehuni që të shlyhen mëkatet tuaja dhe që të vijë kohët e fladit nga prania e Zotit.</i></p>

**Mjetet Vizive:** Figurat për flanelograf: **1A-22, 23, 24, 25, 26, 29, 30 41.**

**Fjalë të treguara me shirita demonstrativë:** Mëkati (e vendosur në formën e një zemre të zezë).

**E vërteta kryesore me shirita demonstrativë:** Ju mund ta ngjisni këtë në një letër me siluetën e Zotit Jezus. Tregojeni sa herë jepni mësim mbi të vërtetën kryesore.

Fjalë të tjera me **shirita demonstrativ** mund të jenë gjithashtu: I çalë, Pjetri Gjoni, Tempulli.

### Përmbledhja e Mësimi

**Hyrje:** Përshkrimi i njeriut të çalë dhe jetës së Tij.

### Rrjedha e ngjarjeve

1. Pjetri dhe Gjoni shkojnë në tempull
2. Burri i çalë u kërkon para (**VQP1**)
3. “Na shiko”- Nuk ka para (**VQP2**)
4. “Në emër të Jezus Krishtit nga Nazareti ngrihu dhe ec”

**Kulmi:** Burri ngrihet dhe ecën (**VQP3**)

**Përfundimi:** Burri lavdëron Perëndinë në tempull.  
Njerëzit janë të mrekulluar (**VQSH/P4**)

## Mësimi

Ai ulej në tokën me pluhur (Vendosni 1A-24 Figura 3-2) përball njëres prej hyrjeve të tempullit që ishte shumë e bukur dhe e njohur si “dera e bukur”. Ashtu si përditë ishte ulur atje dhe u kërkonte kalimtarëve para. Atë e sillnin çdo ditë dhe e linin afër derës së tempullit. Pse? Sepse kurrë nuk kishte qenë në gjendje të ecte; ishte i çalë. Diçka nuk shkonte me këmbët dhe nyjet e tij. Pse ai kishte nevojë tu kërkonte njerëzve para? Sepse nuk mund të punonte meqë ishte i çalë dhe qeveria atëherë nuk i ndihmonte njerëzit që nuk punonin. Kështu ky njeri transportohej

në tempull nga familja ose shokët pranë tempullit ishte një vend i mirë për tu ulur. Shumë njerëz shkonin atje për tu lutur çdo ditë kështu që kishte gjithmonë shumë njerëz të cilëve ai mund ti kërkonte para. Ishte ulur atje si përditë ishte ora 3 e pasdites, një kohë e veçantë për tu lutur në tempull. Shumë njerëz duhet të vinin dhe unë jam i sigurt që i çali po shpresonte se do ti jepeshin shumë para nga njerëzit që kalonin. Pjetri dhe Gjoni po ecnin drejt tempullit (vendos 1A-41 dhe 23 Figura 3-1.) Ata shkonin atje përditë për të lavdëruar Perëndinë dhe për tu lutur. Por atë ditë ata po shkonin në tempull nga ana e derës së bukur. Kështu që çfarë panë? (Lejo një fëmijë të përgjigjet) Po, Burrin e Çalë. Dhe Çfarë mendoni se ai u kërkoi? (Lejo një fëmijë të përgjigjet) (Figura 3-3) U kërkoi para.

**(VQP 1)** Për çfarë mendoni se kish nevojë mbi të gjitha njeriu i çalë? Cila ishte nevoja e tij më e madhe? A i nevojiteshin paratë mbi të gjitha? Apo më shumë se çdo gjë tjetër ai kishte nevojë të ecte? Po, atij i nevojiteshin para për të blerë ushqim. Po, nëse një doktor do ta bënte atë të aftë të ecte ndoshta ai mund të gjente një punë dhe të fitonte para. Por ishte diçka tjetër për të cilën i çali kishte nevojë më shumë sesa paratë. Ai kishte lindur me një problem akoma më të madh sesa paaftësia për të ecur. Ti gjithashtu ke lindur me këtë problem të madh. Ai quhet mëkat (vendos fjalën "mëkat" në formën prej zemre) Çfarë është mëkati (lejo përgjigje) Mëkati është të mos i bindesh Perëndisë duke bërë ato që Ai thotë se nuk duhen bërë dhe duke mos bërë ato që Ai thotë se duhen bërë. Por si mund ta dimë nëse diçka është apo jo mëkat? (lejo përgjigje) Perëndia e thotë në Fjalën e Tij, Biblën se ç'është e drejtë dhe ç'është e gabuar. Ai gjithashtu thotë se qëkur ju keni lindur keni pasur një natyrë mëkatore. Ju keni lindur duke dashur të ecni në rrugën tuaj dhe jo në rrugën e Perëndisë. Për ju është më e lehtë të bëni gjëra të gabuara sesa të drejta. Për ju është më e lehtë të humbisni kontrollin e vetes sesa ta përmbani atë. Për ju është më e lehtë të gënjeni për të dalë nga halli; për ju është e vështirë të ndryshoni nga shokët kur ata duan të bëni diçka të gabuar. Askush nuk ju ka mësuar që të jeni kështu. Ju e kishit këtë natyrë mëkatore që kur lindët. Pse është mëkati një problem kaq i madh? (lejo përgjigje) Sepse ju largon nga Perëndia, sepse derisa i gjithë mëkati juaj të jetë larguar plotësisht, ju nuk mund të shkoni në qiell me Perëndinë. Ndërkaq Perëndia do t'ju ndëshkojë për mëkatin tuaj përgjithmonë. Nevoja juaj më e madhe është që mëkati juaj të largohet. Por ndoshta ju jeni shumë të zënë duke menduar për dëshira dhe nevoja të tjera, dhe nuk mendoni për atë gjë që ju nevojitet mbi të gjitha. Ndoshta kështu ishte dhe burri i çalë. Mendonte më shumë për të marrë para të mjaftueshme sesa për problemin e mëkatisë së tij. Pjetri dhe Gjoni ndaluan dhe e panë. Ndoshta i çali nuk para i shihte njerëzit që kalonin, ndoshta e mbante kokën të ulur nga turpi që duhej të lypte ose dhe ndoshta i shikonte të tjerët dhe u kërkonte para. Pjetri i tha (lexo Veprat 3:4) "Na shiko ". I çali mendoi se ata do ti jepnin para kështu që u kushtoi vëmendje. Sa i zhgënjyer duhet të jetë ndier kur Pjetri filloi të fliste (lexo Vep. 3:6) "Unë nuk kam as argjend as ar..." Pjetri dhe Gjoni nuk kishin para atëherë çfarë mund të bënin për të ndihmuar të çalin?

**(VQP 2)** Vetë ata, Pjetri dhe Gjoni nuk mund të bënin gjë për ta ndihmuar këtë njeri, por njihnin dikë i cili mundej. Ata e dinin se Zoti Jezus Krisht mund të ndihmonte, cilado të ishte nevoja. Ata e dinin që Ai mund të plotësonte nevojën më të madhe që ky njeri kishte. Cila ishte nevoja e tij më e madhe? (Lejo një fëmijë të përgjigjet) Po, nevoja për t'ju larguar mëkatisë. Pjetri dhe Gjoni dhe besimtarët e tjerë, u treguan njerëzve kudo që ata shkuan se Zoti Jezus mund të merrte mëkatet e tyre. Ata shpjeguan se si Zoti Jezus u ndëshkua nga Perëndia për mëkatet e botës kur Ai vdiq në kryq, (vendos 1A-26 në një tabelë) se Ai u ngjall nga vdekja dhe tashmë mund të merrte të gjithë mëkatet e atyre që largohen nga mëkati dhe e besojnë Atë për falje. **A besoni ju se Ai është nevoja juaj më e madhe ?**

**Le të imagjinojmë një djalë të vogël, ne po e quajmë Toni, i cili do një biçikletë të re më shumë se çdo gjë. Ai nuk do të kënaqet derisa ta marrë dhe mendon se kur të marrë një biçikletë të re.do të jetë i lumtur, për ditëlindje i blenë një biçikletë të re. Ai është kaq i lumtur. A do jetë ai gjithmonë i kënaqur? Jo, në pak javë ai sheh diçka që me të vërtetë e do – loja më e fundit me kompjuter – dhe ndjen se nuk do jetë i lumtur derisa ta blejë atë. Toni rritet duke dashur gjithmonë diçka më shumë. Ai ka një punë, por do një tjetër që paguhet më shumë. Ai blen një makinë, por do një tjetër që ecën më shpejt dhe madje më të bukur. Ai blen një shtëpi, por do një më të madhe. Toni mendon se këto janë gjërat më të rëndësishme, për ta bërë të lumtur, por Ai s'është kurrë i kënaqur. Gjërat më të rëndësishme në jetë nuk janë të kesh sa më shumë para ose më shumë gjëra në zotërim. Cila është gjëja më e rëndësishme, për të cilën Toni ka nevojë? (Lejo përgjigje) Ashtu si**



**ju, ai ka nevojë ti largohet mëkatit. Si mund të ndodhë kjo? Dëgjoni çfarë thotë Fjala e Perëndisë (lexoni Veprat 3:19) “Pendohuni pra dhe kthehuni që të shlyhen mëkatet tuaja...” A do të ktheheni ju nga mëkati dhe të besoni Zotin Jezus që t’ju shlyhen mëkatet sot? Zoti Jezus është i aftë të plotësojë nevojat tuaja më të mëdha – Faljen e mëkatit, ashtu siç ishte i aftë të plotësonte nevojat e burrit të çalë.**

Pjetri vazhdon t’i flasë burrit të çalë (lexo Veprat 3:6) “...Por atë që kam po ta jap.” Çfarë mund të kishte Pjetri për ti dhënë të çalit, kur nuk kishte para. Ai vazhdon: (lexo Veprat 3:6) “Në emër të Jezus Krishtit të Nazaretit ngrihu dhe ec” Pjetri e kapi të çalin nga dora e djathtë (rivendos 1A-41 me 1A-22 Figura 3-4) dhe e ndihmoi të ngrihej. (rivendos 1A-24 me 1A-25). Menjëherë këmbët dhe nyjet e kockave u bënë të forta. Ai kërceu dhe ishte shumë i lumtur.

**(VQP 3)** Pse e bëri burri këtë? (lejo fëmijët të përgjigjen) Zoti Jezus e shëroi atë. Pjetri dhe Gjoni nuk mund të bënin gjë për të. Miqtë e burrit nuk mund ta shëronin atë. Burri nuk mund ta ndihmonte veten, por Zoti Jezus mund të plotësonte nevojën e tij. Bibla na thotë (lexo Veprat 3:16a) se burri u shërua nëpërmjet besimit të Zoti Jezus. Burri besoi që Zoti Jezus mund ta shëronte atë. **A besoni ju se Zoti Jezus mund t’i marrë mëkatet tuaja? Asnjë tjetër nuk mund ta bëjë këtë. Unë nuk mundem, prindërit tuaj nuk munden një pastor nuk mundet, ju nuk mundeni ta bëni për veten tuaj. Por Zoti Jezus mundet, sepse Ai u ndëshkua në vendin tuaj. Juve mund t’ju falen mëkatet vetëm duke besuar te Zoti Jezus, duke besuar se Ai mori ndëshkimin tuaj dhe se ai është rruga e vetme për t’ju falur mëkatet. A mendoni se ka ndonjë rrugë tjetër ku njerëzit mendojnë se mund t’u falen mëkatet? (lejo përgjigje) Disa njerëz përpiqen të jenë të mirë aq sa munden, disa të tjerë përpiqen të bëjnë diçka që ti dalin përpara së keqes. Disa njerëz përsërisin lutje të veçanta. Asnjë nga këto gjëra nuk e largon mëkatin.**

**(V.V.D.F)** Nëse doni t’ju falen mëkatet por nuk jeni të sigurt se çfarë të bëni prisni pranë flanelbordit deri sa të mbarojë klubi i lajmit të mirë. Unë do ta di se ju do të më flisni rreth faljes së mëkatit dhe unë do t’ju tregoj nga Fjala e Perëndisë se Zoti Jezus është i vetmi që mund të plotësojë nevojat tuaja më të mëdha, ashtu siç plotësoi nevojat e burrit të çalë.

Imagjinoni si ndjehej ai burrë, ai ishte i aftë të ecte për herë të parë në jetë. (lëviz 1A-22, 23 dhe 25, vendosni 1A-29 Figura 3-5) Ai shkoi në tempull me Pjetrin dhe Gjonin duke ecur, kërcyer dhe lavdëruar Perëndinë. Ai e dinte kush e shëroi atë, ai lavdëroi dhe falenderoi Perëndinë, jo Pjetrin dhe Gjonin. Çfarë mrekullie! Unë jam e sigurt se Pjetri dhe Gjoni po lavdëronin Perëndinë gjithashtu dhe e falenderonin Atë që shëroi burrin e çalë. Të gjithë njerëzit (vendos 1A-30) panë burrin që kish qenë i çalë të ecte në tempull dhe të lavdëronte Perëndinë. Ata e dinin kush ishte Ai, e kishin parë të lypte çdo ditë. Ata e panë çfarë i ndodhi atij dhe ishin të habitur. Çfarë ndryshimi ndodhi me jetën e këtij burri.

**(VQSH/P4)** Është gjithashtu mrekulli akoma më e madhe kur Zoti Jezus merr mëkatin. Kjo është mrekullia më e madhe. **Nëse Ai ka marrë mëkatin tuaj, ju duhet të jeni plot me falenderime dhe lavdërime. A jeni kaq mirënjohës ndaj Perëndisë sa të doni ti tregoni të tjerëve çfarë Ai ka bërë për ju dhe çfarë Ai mund të bëjë për të tjerët gjithashtu? A i shohin të tjerët ndryshimet që Jezusi ka bërë në jetën tuaj? A e dinë të tjerët që ju besuat se Ai mund ta merrte me vete mëkatin? Ky burrë nuk kishte frikë të lavdëronte Perëndinë dhe t’ua bënte të ditur të gjithëve çfarë ndryshimi Zoti Jezus kishte bërë në jetën e tij. Pjetri dhe Gjoni nuk patën frikë ti thoshin këtij burri që Zoti Jezus mund t’ia plotësonte nevojën. A do t’ia thoni ju familjes, shokëve, se Zoti Jezus mund të plotësojë dëshirën e tyre më të madhe? Ose, nëse ti nuk e ke besuar akoma Zotin Jezus për të larguar mëkatin a do ta lejosh ti Atë sot të plotësojë nevojën tënde më të madhe. Kujto premtimin e Tij “Pendohuni pra dhe kthehuni që të shlyhen mëkatet tuaja...” (Veprat 3:19) Nëse ti kthehesh nga mëkati dhe i beson Zotit Jezus për falje sot Ai do të shlyej mëkatin tënd dhe ti do ta lavdërosh dhe falenderosh Perëndinë për ndryshimin që Ai ka bërë në jetën tënde.**

## Pyetje Përsëritëse

1. Cili ishte problemi i burrit që ishte ulur në një rën prej dyerve të tempullit? (ishte i çalë, nuk mund të ecte).
2. Çfarë është mëkati (mosbindja ndaj Perëndisë)
3. Përse është më e lehtë për ju të mëkatoni sesa ti bindeni Perëndisë (jemi të lindur me një natyrë mëkatore)
4. Pse është mëkati një problem kaq i madh? (sepse të largon nga Perëndia dhe të lë jashtë mbretërisë së Tij)
5. Çfarë i kërkoi "i çali" Pjetrit dhe Gjonit (Para)
6. Cila ishte nevoja e tij më e madhe (largimi dhe falja e mëkatit)
7. Kush e shëroi të çalin (Zoti Jezus)
8. Pse u shërua burri (sepse besoi se Zoti Jezus mund ta shëronte)
9. Si mund t'ju falur juve mëkatet (kthehuni nga mëkati dhe besoni në Zotin Jezus si Shpëtimtarin tuaj).
10. Nëse Zoti Jezus ju ka falur mëkatin çfarë duhet të bëni? (lavdërojeni, falenderojeni dhe tregojani të tjerëve).

## Detyrë shtëpie

Bëni një kopje të katrorit me shkronja që ndodhen në faqen tjetër për secilin fëmijë.

Për fëmijët e rritur kopjoni shprehjet e dhëna që ndihmojnë për të gjetur fjalë duke lënë mënjanë listën e fjalëve.

Për fëmijët më të vegjël kopjoni listën e fjalëve dhe u flisni atyre për kuptimin e fjalëve, përpara se ata t'i kërkojnë fjalët. Mund të përdorni shprehjet / kuptimet në mënyrë që mesazhi tu arrijë dhe prindërve të tyre.

Disa shkronja në katror janë përdorur dy herë. Të gjitha fjalët janë të shkruara horizontalisht ose vertikalisht për të ndihmuar më të vegjëlit. Ju mund të mos ja bëni të ditur këtë fëmijëve të rritur me qëllim që vështirësia të rritet.

### Shprehje ndihmëse

- ❖ Mosbindja ndaj Perëndisë
- ❖ Të kthehesh nga mëkati tek Perëndia.
- ❖ Zoti Jezus mund të plotësojë.....tuaj më të madhe.
- ❖ Të përmirësosh një sëmundje ose një dëmtim.
- ❖ Të tregosh sa mirënjohës je.
- ❖ Të ndihesh keq për mëkatin që nuk do ta bësh më.
- ❖ Perëndia premtoi se nëse dikush kthehet nga mëkati tek Ai atëherë mëkati i atij personi do të jetë....
- ❖ Nevoja jote më e madhe është që mëkati yt të jetë....
- ❖ Ti nuk mund të shkosh atje nëse mëkati nuk të është falur.
- ❖ I pa zoti për të ecur.

### Fjalët për tu gjetur

Mëkat  
Shlyer  
Të shërosh

Pendohem  
Nevojë  
Qie  
I çalë

I Kthyer  
I Falur  
Falenderoj

# Mësimi 4

## Perëndia nuk mund të mashtrohet

---

Vargjet nga Bibla

Veprat e Apostujve 4:32-37; 5:1-11; 8:9-24

Shënim: Ky mësim përmban 2 histori të ndara, megjithatë e vërteta qendrore paraqitet e njëjtë me secilën prej tyre. Ju mund të jepni mësim mbi secilën pjesë në një pikë të ndryshme të problemit.

Është pranuar përgjithësisht se Anania dhe Safira ishin besimtarë, ndërsa Simoni jo.

**E Vërteta Qendrore:**

**Perëndia di gjithçka.**

**Zbatimi**

**Për të pashpëtuarit:**

Pjesa a) Ju nuk mund t'ia fshihni mëkatit tuaj Perëndisë.

Pjesa b) Ju nuk mund ta mashtroni Perëndinë me mendimin se jeni të krishterë.

**Për të shpëtuarit:** Ju nuk mund ta bëni Perëndinë të mendojë se jeta juaj e krishterë është më e mirë se ç'është në të vërtetë.

**Vini veten në dispozicion të fëmijëve (V.V.N.F)**

Në tekstin e këtij mësimi nuk përfshihet ndonjë mundësi që ju të viheni në dispozicion. Ndonjë fëmijë që ka nevojë të flasë me ju. Kjo mund të bëhet në një pikë tjetër të programit, p.sh. Pasi kori ka kënduar ndonjë mesazh nga ungjilli. Ju mund të thoni gjëra të tilla si "nëse ju nuk jeni akoma të sigurt sesi mund t'iu falen mëkatet dhe doni të më pyesni për këtë mund të flisni me mua gjatë kohës së aktiviteteve, unë do të jem duke bërë rregullime por mund ta lë këtë për më vonë nëse dëshironi të flisni me mua." (Sigurisht kjo do të ishte e mundur vetëm në qoftë se ndihmësit tuaj do të marrin përsipër kryerjen e aktiviteteve).

**Vargu përmendësh**

*Ps. 44:21*

**"Perëndia .... Njeh sekretet e zemrës."**

**Mjetet vizive: Figurat për flanelografin: 1A-31, 32,33, 34, 35, 36.**

**E vërteta qendrore** në një rreth prej letre. E tregoni këtë sa herë ju përmendni të vërtetën.

Ju gjithashtu mund ta keni të nevojshme të përdorni fjalët e mëposhtme në shirita **demonstrativë**.

Pjesa a) Të krishterë, Apostuj, Anania, Safira, Pjetri.

Pjesa b) Samaria, Simoni, Filipi, Pjetri, Gjoni.

**Përmbledhja e mësimit \_ Pjesa A.**

**Hyrje:**

Tomi dhe modeli i tij i aeroplanit

**Rrjedhja e ngjarjeve.**

1. Të krishterët e parë ndajnë gjithçka
2. Anania dhe Safira bëjnë një plan (**VQ1**)
3. Anania sjell paratë
4. Pjetri ballafaqohet me të (**VQSH 2**)

**Kulmi:**

Vdekja e Ananias

**Përfundimi:**

Vdekja e Safirës (**VQSH/P3**)

## Mësimi

Babai i Tomit po e ndihmonte atë të ndërtonte një model aeroplani. Ishte e vështirë, me shumë pjesë të vogla, por kur u mbarua dukej shumë mirë. Tomi e vuri mbi një dollap në dhomën e tij. Një ditë shoku i tij, Ian erdhi për të luajtur. Ai pa modelin e aeroplanit. “uau” – bërtiti ai – “Ti e ke bërë këtë?” “Po” – tha Tomi. “Edhe unë do doja të bëja gjëra po kaq mirë, psherëtiu Iani” Të miat gjithmonë duken të shëmtuara.

Përse Tomi nuk ia tha Ianit? (lejo fëmijët të përgjigjen) Tomi nuk ia tregoi Ianit të gjithë të vërtetën. Ai nuk i tregoi se e kishte ndihmuar i ati. Ai po e mashtronte Ianin duke e lënë të mendonte për diçka që nuk ishte e vërtetë. Iani mendoi se Tomi ishte shumë më i mirë në bërjen e modeleve, nga ç’ishte në të vërtetë. Dhe kjo është njëllë si të thuash një gënjeshtër, apo jo? Kjo do të thotë të mos tregosh të tërë të vërtetën.

Anania dhe gruaja e tij Safira (lëviz 1A-31,32 Figura 4-2) bënë një plan për të mos treguar të tërë të vërtetën. Ne e lexuam këtë në fjalën e Perëndisë (trego Biblën e hapur në kapitullin 5 të Veprave Për të përforcuar faktin që po i referohesh Fjalës së Perëndisë.) Ata i kishin besuar në Zotin Jezus si Shpëtimtarin e tyre; Ata ishin 2 nga të krishterët e parë. Të krishterët e parë ndanë gjithçka çfarë kishin. Disa prej tyre që zotëronin toka apo shtëpia, i shitën ato dhe ia dhanë paratë apostujve. (Ky është një tjetër emër i përdorur për 11 burrat që kanë qenë dishepujt e veçantë të Jezusit. Juda i 12-ti vdiq.) Pastaj Apostujt ia dhanë paratë atyre që kishin nevojë për ta.

Anania dhe Safira zotëronin ca tokë. (Figura 4-3) Ndoshta ata nuk donin të ndanin gjithçka që kishin, por ata donin që të tjerët të mendonin se ishin bujarë. Ndoshta ata kishin frikë të quheshin egoist nëse nuk i shisnin tokat si të tjerët. Ata kishin gjetur një rrugë për tu dukur bujar para të tjerëve, në të njëjtën kohë të mbanin disa para për vete. Ata shitën ca nga toka e tyre. Pastaj, në vend që t’ia jepnin të gjitha paratë apostujve, ata vendosën të mbanin një pjesë për vete. Nuk kishte asgjë të keqe, që mbajtën disa para për vete. Mëkati i Ananias dhe Safirës ishte pretendimi se i dhanë të gjitha paratë. Ata nuk do t’i tregonin apostujve se ata kishin mbajtur disa para, ata do t’i linin të mendonin se i kishin sjellë të gjitha. Askush s’mund ta dinte....

**(VK1)...**Por ishte Dikush që e dinte; Dikush që dinte se çfarë ata po mendonin, ashtu siç dinte se çfarë ata po bënin. **Dikush që di gjithçka çfarë ju mendoni dhe bëni. Po, Perëndia e dinte. Ai di gjithçka që duhet ditur. Ai e di se çfarë ju po mendoni tani. Ndoshta ju dukeni sikur po dëgjoni (e keni mendjen) por në të vërtetë po ëndërroni për të shënuar një gol në ndeshjen e ardhshme të futbollit, ose po mendoni se ç’do të ndodhë me personazhet tuaj të preferuar në një program televiziv. Ju mund të dukeni sikur silleni mirë (ju nuk nxisni dhe as bëni thashetheme ndaj një personi përballë) por ju përsëri s’jeni duke dëgjuar. Ju mund të jeni të aftë të më mashtroni mua, por nuk mundeni kurrë të mashtroni Perëndinë. Ai e njeh të vërtetën mbi çdo gjë.**

Perëndia e dinte se ç’kishin planifikuar Anania dhe Safira. (Figura 4-4 Hiq 1A – 32 dhe vendos 1A – 36) Kur Anania i sollti paratë apostujve, Perëndia bëri që Pjetri të dinte që Anania s’i kish sjellë të gjitha paratë. Pjetri pyeti Ananian (lexo nga veprat 5:3) “Pse Satani ta mbushi zemrën që të gënjesh Frymën e Shenjtë dhe të mbash një pjesë të çmimit të arës.” Anania dëgjoi Satanin , i cili dëshiron që të krishterët të mos i binden Perëndisë. Ai jo vetëm gënjeu njerëzit duke mbajtur një pjesë të parave për vete, por gjithashtu gënjeu dhe Perëndinë. Anania duhet të ketë menduar se mund të mashtronte Perëndinë ashtu siç kish mashtruar të krishterët e tjerë.

**(VQSH 2)** Ç’budallallëk për t’u menduar! Askush s’mund t’ia fshehë të vërtetën Perëndisë, sepse Ai di çdo gjë. I krishterë, ti nuk mund ta bësh Perëndinë të mendojë se ti po studion Biblën për ta njohur Atë më mirë, kur në fakt shpenzon shumë kohë duke lexuar një revistë dhe i hedh një shikim të shpejtë disa vargjeve nga Bibla përpara se të shkosh për të fjetur. Ti nuk mund ta bësh Atë të mendojë se je i dashur dhe i këndshëm nëse ke mendime të këqija (të pahijshme) për një person tjetër, edhe pse s’do t’ia thoshe askujt këto mendime. Ti nuk mund të mashtrosh Perëndinë: Ai di gjithçka. I krishterë, nëse ke qenë fajtor apo je përpjekur të mashtrosh Perëndinë, i thuaj Atij që të vjen keq dhe kërko

**për faljen e Tij. Ai premton tek 1 Gjoni 1:9 (lexo nga Bibla) “Po ti rrëfejmë mëkatet tona, Ai është besnik dhe i drejtë që të na falë mëkatet dhe të na pastrojë nga çdo paudhësi” mbaj mend, ti s’mund t’i mbash sekret Perëndisë.**

Kur Anania dëgjoji se sekreti i tij ish zbuluar ai ra dhe vdiq. Trupi i tij u mor dhe u varros. Safira nuk kishte ardhur me të. Ajo erdhi rreth 3 orë më vonë pa e ditur se ç’kishte ndodhur (Figura 4-5 Lëviz 1A-32) Pjetri e pyeti: “Ky ishte çmimi që ti dhe Anania morët për tokat.” “Po, ky ishte” u përgjigj ajo. Ishte kjo e vërteta? (lejo përgjigje) Jo, Safira e gënjeu Pjetrin dhe të tjerët që ishin atje. Ajo po përpiquej gjithashtu të gënjente Perëndinë. Dëgjoni çfarë Pjetri i tha Safirës: (lexo nga veprat 5:9) “Ja këmbët e atyre që varrosën burrin tënd janë në prag të derës dhe do të mbartin jashtë edhe ty. Tamam atëherë, Safira ra dhe vdiq, tamam si Anania dhe trupi i saj u mor dhe u varros afër të shoqit. Kushdo që dëgjoji për këtë u tremb shumë. Kjo i tregoi atyre sa serioze është të mëkatosh kundër Perëndisë.(lëviz 1A-36).

**(VKSh/P3) E sheh sa serioze është të mëkatosh kundër Perëndisë? Perëndia mund të shohë të gjithë mëkatet tuaja. Ti nuk mund ti fshehësh Atij asnjë prej tyre, sepse Ai di gjithçka. I krishterë, ti nuk mund ta bësh Atë të mendojë se ti je më i mirë se ç’je me të vërtetë. A e keni gënjer Perëndinë për mënyrën se si jeton për të? Ti mund të mashtrosh të tjerët, ti mund të mashtrosh edhe veten tënde, por nuk mund të mashtrosh Perëndinë. Nëse ti nuk ke jetuar me mënyrën që Perëndia do si i krishterë, thuaji Atij sa keq të vjen dhe kërkoji të të ndihmojë të ndryshosh. Ai dëshiron ta bëjë këtë për ty. Kujto premtimin e Tij tek 1 Gjoni 1:9 (lexo vargun nga Bibla përsëri). Po nëse ti nuk ke besuar akoma tek Zoti Jezus, Shpëtimtari yt, A mendon se ti do të shkosh në qiell nëse ti e bën Perëndinë të mendojë se je mjaft i mirë? Ai i njeh detajet e çdo mëkati tëndin. A mendon se Perëndia do jetë i kënaqur me ty nëse ti bën plot gjëra të mira, por s’ka rëndësi se ç’ndodh me mendjen tënde? A mund ta imagjinosh se ti mund të kesh mendime të këqija, që askush s’mund ti dijë, as Perëndia? Perëndia njeh çdo mendim që ti ke pasur. Ti nuk mund ta bësh Perëndinë të mendojë se je mjaft i mirë për në qiell. Çdo mëkat është serioz për Perëndinë. A e shikon se je në vështirësi të mëdha përpara Perëndisë, për shkak të mëkatis? A dëshiron të bëhesh gati për në mbretërinë e Perëndisë? Zoti Jezus është ndëshkuar për të gjithë mëkatet tuaja dhe për këtë falenderojeni, tregojini Atij sa keq ju vjen për mëkatin dhe kërkojini t’ju pastrojë, Perëndia do ta dijë se juve ju vjen me të vërtetë keq dhe Ai premton me Fjalën e Tij (lexo Gjoni 6:37b) “dhe Atë që vjen tek unë, unë nuk do ta nxjerr jashtë kurrë.” Ai kurrë nuk do të kthejë mbrapa atë që është penduar për mëkatin e tij ndaj mos u përpiq ta gënjesh Perëndinë, në atë që sa i mirë je. Nuk ka asnjë mundësi, sepse Ai di gjithçka.**

**Plani i mësimi për pjesën [b]**

**Hyrje:** Xheni dhe pjeshka

**Rrjedha e ngjarjeve**

1. “Ky njeri është fuqia e madhe e Perëndisë”.
2. Filipi predikon dhe shumë besojnë.
3. Simoni pretendon të jetë i krishterë.(VQP 1)
4. Pjetri dhe Gjoni mbërrijnë.
5. Simoni përpiquej të blejë fuqi (VKP 2)
6. Përgjigja e Pjetrit.

**Përfundimi:** Pendohuni dhe jeni të falur.

## **Mësimi**

Xheni kish shkuar për pushime në një vend të ngrohtë. Ajo kishte shumë etje. Aty ishte një pjeshkë gjithë lëng që po priste të hahej. Ishte tamam ajo për të cilën kishte nevojë dhe dukej sikur të ftonte. Goja po i shkante lëng nga mendimi, aq e mirë dukej. A mund ta imagjinoni se sa u tmerrua kur zbuloi se brenda ishte e mbushur me insekte të vogla zvarritëse? Pjeshka dukej kaq e mirë nga jashtë por brenda ishte e kalbur. (Një histori e vërtetë!) Ndonjëherë njerëzit duken të mirë por brenda janë të mbushur me ligësi. Ne lexojmë në Bibël për një njeri të tillë.

(Lexo Vep. 8:10) “Ky njeri është fuqia e madhe e Perëndisë”- thoshin njerëzit. (vendos 1A-33) Për kë po fliste populli i Samarias? (vendos 1A-34) Po fliste për Gjonin, Pjetrin apo për ndonjë nga apostujt e tjerë? Jo! Po flisnin për një njeri të quajtur Simon. Ai bënte magji dhe gjëra të çuditshme sa ishte i zoti t’i bënte njerëzit të mendonin se ishte njeri i madh. Por a vinte fuqia e Simonit prej Perëndisë? Jo! Fuqia e tij vinte prej Satanit. Simoni dëshironte që të tjerët ta lavdëronin dhe falenderonin sepse ishte i mrekullueshëm. Simoni e donte fuqinë për vete. Ai donte që populli i Samarias ta shikonte dhe ta admironte, dhe në fakt ata e kishin parë të bënte magji për kaq shumë kohë, sa që me të vërtetë mendonin se kjo ishte fuqia e madhe e Perëndisë.

Më pas në Samari erdhi apostulli Filip (vendos 1A-35). Ai i predikoi popullit të Samarias dhe u tha se Zoti Jezus kish vdekur për të marrë ndëshkimin e mëkateve të tyre, u tha se Ai ish ngritur nga vdekja dhe mund t’ua falte mëkatet, nëse ata pendoheshin dhe besonin në të. Perëndia gjithashtu nëpërmjet Filipit shëroi shumë njerëz nga sëmundjet dhe paaftësitë. Kur populli i Samarisë dëgjoi çfarë tha Filipi dhe pa mrekullitë që ai bëri, shumë prej tyre besuan në Zotin Jezus si Shpëtimtarin e tyre. Ata nuk lavdëruan Filipin siç kishin admiruar Simonin, por ata lavdëruan Perëndinë që po i shpëtonte nga ndëshkimi i mëkateve dhe po i shëronte nga sëmundjet.

Simoni gjithashtu i dëgjoi dhe i pa këto gjëra. Njerëzit e kishin bërë zakon ta dëgjonin dhe çuditëshin për ato që ai bënte, por tani ai pa se njerëzit po besonin se çfarë thoshte Filipi, ai e pa fuqinë që Perëndia i dha Filipit dhe Simoni vetë u habit. Ai dëshironte të dinte më tepër për këtë fuqi, kështu që pretendoi të pendohesh për mëkatin dhe të besonte në Zotin Jezus.

**(V.Q.P.1) Pyes veten nëse ka ndonjë këtu sot që pretendon të jetë i krishterë. Ndoshta prindërit e tu, mësuesja e shkollës së të dielës ose edhe unë besojmë që ti je i krishterë, por ti thellë në veten tënde e di që nuk je, sepse kurrë nuk je kthyer nga mëkati dhe nuk ke besuar në Zotin Jezus për falje. Ti mund të na mashtrosh në të gjithëve, por mos harro nuk mund të mashtrosh kurrë Perëndinë, sepse Ai di gjithçka për ty. Gjithçka që ti ke menduar dhe bërë, Ai e di fare mirë se kush je ti, ashtu siç dinte të vërtetën mbi Simonin.**

Simoni e ndoqi Filipin dhe u habit me mrekullitë që ai bëri. Ai u habit akoma më shumë kur mbërritën Pjetri dhe Gjoni (vendos 1A-36) dhe pa seç bënë ata. Simoni dëshironte ta kishte këtë fuqi për vete. Ai u afroi atyre para dhe tha (lexo Veprat 8:19a) “Ma jepni dhe mua këtë pushtet.” Dhe Pjetri u përgjigj. (lexo Veprat 8:20) Le të humbasë paraja jote dhe ti bashkë me të, sepse ti mendove se mund ta blesh me para dhuratën e Perëndisë.”

**(VQP 2) Edhe njëherë Perëndia e ndihmoi Pjetrin të njihje të vërtetën. Perëndia e dinte se si ishte Simoni me të vërtetë. Ai e dinte se ç’donte Simoni. Perëndia gjithashtu e di nëse ti pretendon të jesh i krishterë. Ai e di pse e bën ti këtë. Ndoshta është dikush që ti dëshiron ta kënaqësh. A të vjen turp pse e ke pretenduar një gjë të tillë? Ti ke gënjyer. A do ta dish sesi me të vërtetë ti ke nevojë të kthehesh nga mëkati dhe ti besosh Zotit Jezus që Ai të të falë. Pjetri i tha Simonit (lexo Veprat 8:22) “Pendohu pra për këtë ligësi që ke dhe lutu Perëndisë që po të jetë e mundur të falet mendimi i zemrës sate. “ E keqja është se nuk na është thënë nëse Simoni u kthye nga mëkati dhe i kërkoi Perëndisë falje.**

**(VQP 3) Ti e di që ke nevojë të pendohesh dhe të kërkosh falje. A do ta bësh sot këtë. Ti e di që ti nuk mund t’ia hedhësh Perëndisë, sepse Ai di gjithçka. Mos u bë si Simoni, mos vazhdo të mëkatosh. Ktheu nga mëkati dhe beso Zotin Jezus si Shpëtimtarin tënd. Kujto premtimet e Perëndisë në Fjalën e Tij. (lexo Gjoni 6:37b) “Dhe atë që vjen tek unë, unë nuk do ta nxjerr jashtë kurrë.”**

## Pyetje për Përsëritje

1. Çfarë bënë shumë nga të krishterët e parë me tokat dhe shtëpitë që zotëronin? (i shitën dhe i dhanë paratë apostujve ti përdornin në rast nevoje)
2. Çfarë planifikuan të bëjnë Anania dhe Safira? (pretenduan t'i jepnin të gjitha paratë, por mbajtën disa për vete)
3. Pse nuk mundën ata t'ia fshihnin të vërtetën Perëndisë? (Ai di gjithçka).
4. Çfarë i ndodhi Ananias dhe Safirës, për t'u treguar të tjerëve sa serioze është të mëkatosh kundër Perëndisë? (Ata ranë të vdekur)
5. Pse s'mund ta bësh Perëndinë të mendojë se ti je i mirë për në mbretërinë e Tij? (Ai di gjithçka, kështu që Ai i di të gjitha gabimet që ti ke bërë.)
6. Nga vinte fuqia e Simonit? (Nga Satani)
7. Çfarë i tha Filipi popullit të Samarias? (Krishti vdiq për mëkatet tuaja dhe u ngjall përsëri, pendohuni dhe besoni)
8. Çfarë bënë shumë nga njerëzit e Samarias? (u penduan dhe besuan).
9. Si u përpoq Simoni të merrte të njëjtin pushtet si Pjetri dhe Gjoni? (U ofroi atyre para)
10. Pjetri i tha Simonit se ai kish nevojë të pendohesh. Çfarë do të thotë të pendohesh? (të kthehesh nga mëkati, të të vijë keq për mëkatin, kaq keq sa të mos duash të mëkatosh më)

## Detyrë Shtëpie “Disa gjëra që Perëndia di rreth meje”

Sugjerime për të përdorur listën e shprehjeve të mëposhtme. Zgjidhni një ose më shumë sugjerime në përputhje me kohën në dispozicion, moshën dhe aftësitë e fëmijëve.

Fëmija e parë që do të gjejë vargun e dhënë të ngrihet në këmbë. Kur të rifitoni vëmendjen e të gjithëve, fëmija fitues lexon vargun dhe të tjerët dëgjojnë për të gjetur çfarë Perëndia di. Ata do të dëgjojnë me më shumë vëmendje nëse i thoni se do të zgjidhni dikë për tu përgjigjur, jo domosdoshmërisht një vullnetar që ngre dorën.

Jepini çdo fëmije një listë vargjesh për ta parë dhe një copë letër për të shkruar çfarë tregon secili varg. (ata mund të punojnë individualisht ose në grupe të vogla me një ndihmës)

Lexojani vargjet fëmijëve më të vegjël dhe i lini ata të zgjedhin një varg për të ilustruar.

Bëni një letër që të përmbajë një listë vargjesh në një rën anë dhe përgjigjet në kllapa në anën tjetër, por jo në të njëjtën renditje me vargjet që u përkasin. Fëmijët të shikojnë secilin varg dhe të bëjnë një vizë midis referencës (vargut) dhe përgjigjes së saktë.

Psalmi 44:21	(sekretet e zemrës sime)
Psalmi 139:2	(kur ulem dhe ngrihem)
Psalmi 139:4	(fjalët e mia, madje më parë se t'i them)
Mateu 6:8	(për çfarë kam nevojë)
Mateu 10:30	(numrin e fijeve të flokëve në kokë)
Gjoni 10:3	(emrin tim)

(I vlefshëm, ndero)

# Mësimi 5

## Mesazhi i Perëndisë është për të gjithë

---

<b>Vargje nga Bibla</b>	Veprat Apo. 10:1-48
<b>E Vërteta Qendrore</b>	<b>Perëndia dëshiron që të gjithë të dëgjojnë ungjillin.</b>
<b>Zbatimi:</b>	<b>Për të pashpëtuarit:</b> Ju e keni dëgjuar ungjillin, besojeni atë. <b>Për të shpëtuarit:</b> Perëndia do që ju t'u tregoni të tjerëve.
<b>Vargu Përmendësh</b>	<i>1 Gjonit 3:23</i> <i>“Dhe ky është urdhërimi i Tij, që të besojnë në emrin e Birit të Tij Jezus Krishtit dhe ta duam njëri tjetrin”</i>

Ky është urdhërimi i Perëndisë. Së pari ne duhet të besojmë (të varemi tërësisht) te Zoti Jezus Krisht si Shpëtimtari nga mëkati. Pastaj, në forcën e tij mund të zbatojmë urdhërimin e dytë të duam njëri – tjetrin, madje dhe ata që nuk na duan. Dashuria për të pashpëtuarit shprehet duke u treguar atyre mesazhin e ungjillit.

**Mjetet Vizive:** Figurat për flanelografin: **1A-37, 38, 39, 40, 41, 42.**

**E vërteta kryesore** në një qark letre. Ndoshta ti do të bësh një qark që duket si globi. Tregojë këtë sa herë që të mësoni të vërtetën kryesore.

### Mjete të tjera vizive

Fotografi (ose dhe vizatime) të kafshëve të pastra dhe të papastra (shiko shënimin 1)

Një hartë e Palestinës ku tregohet Jope dhe Çesare mund t'ju duhet të vendosni me shirita demonstrativë, fjalët e mëposhtme: Hebre, e pastër, Johebre, Jope, Simoni, Kornel, Centurion dhe Çezarea.

**Shënim:** Do të ishte mirë të tregonit shkurtimisht se çfarë kuptojmë ne me fjalën ungjill, mundësisht në fillim të programit. Ndoshta duke përdorur librin pa fjalë ose nëpërmjet një kori (U-N-GJ-I-LL do të thotë “Lajm i Mirë” kjo do të ishte një zgjedhje e mirë).

### Përmbledhja e mësimi

**Hyrje:** A keni ju rregulla të veçanta të cilat ju i ndiqni?

### Rrjedha e ngjarjeve

1. Rregullat e veçanta të Perëndisë për popullin e tij të veçantë. **(VKSH1)**
2. Vizioni i Pjetrit
3. Tre njerëz mbërrijnë **(VKSH2)**
4. Pse erdhën njerëzit.
5. Pjetri i fton ata. **(VKSH3)**
6. Pjetri dhe të tjerët shkojnë tek Korneli.
7. Pjetri predikon

**Kulmi:** Paganët shpëtohen **(VKP4)**

**Përfundimi:** Besoni dhe shpëtoheni.



## Mësimi

A ju është dashur ndonjëherë të respektoni rregulla të veçanta? Ndoshta gjatë një udhëtimi me shkollën ose kur ju vijnë mysafirë në shtëpi? Në Bibël lexojmë për shumë rregulla të veçanta që Perëndia vendosi për Izraelitët. Këto rregulla u tregonin të tjerëve se Izraelitët ishin populli i veçantë i Perëndisë, ndaj ata ishin të ndryshëm sepse ishin populli i veçantë i Perëndisë.

Disa prej rregullave kishin të bënin me gjërat që ata hanin. Perëndia i lejonte ata të hanin vetëm disa lloje kafshësh : kafshët që u lejohehin t'i hanin quheshin “të pastra” dhe ato që nuk lejohehin t'i hanin quheshin (të papastra). Populli i veçantë i Perëndisë, Izraeli s'mund të hanin një vakt të bërë gati nga dikush që nuk ishte Izraelit, që të mos hanin atë që s'duhej. Në fakt, ata as nuk shkonin në shtëpinë e dikujt që nuk ishte Izraelit. Ata ishin të ndryshëm nga të tjerët, sepse ishin populli i veçantë i Perëndisë. Izraelitët i quanin të tjerët paganë, pavarësisht nga vendi prej nga vinin ose nga çfarë besonin. Populli i Perëndisë ishte i veçantë dhe i ndryshëm nga çdokush tjetër.

Zoti Jezus kish lindur në një familje Izraelite, por Ai i trajtoi të gjithë njëllë, pavarësisht nëse ishin Izraelitë apo paganë. Kjo i habiti djemtë Izraelitë dhe madje disa prej tyre u zemëruan me të. Të gjithë dishepujt e Zotit Jezus ishin Izraelitë. Të krishterët e parë ishin gjithashtu Izraelitë. Pjetri dhe apostujt e tjerë po i predikonin Izraelitëve për Zotin Jezus kudo që shkuan, dhe shumë Izraelitë po e besonin Zotin Jezus si Shpëtimtarin e tyre.

**(VQSH 1)** A mendoni se Perëndia donte që vetëm Izraelitët të dinin se Zoti Jezus kish vdekur që atyre t'u faleshin mëkatet? (Lejo përgjigjet) Jo, Perëndia dëshironte që të gjithë ta njihnin ungjillin, dhe Ai e dëshiron një gjë të tillë edhe sot. **Nëse ti je i krishterë, Perëndia dëshiron që ti t'u thuash të tjerëve se Zoti Jezus është i Vetmi që mund t'i përgatisë ata për në Qiell. Ndoshta ka njerëz në familjen tënde që mendojnë se për sa kohë do bëjnë gjëra të mira dhe jo të këqija, do shkojnë në qiell. Perëndia dëshiron që ti t'u thuash atyre se ata duhet të ndiejnë keqardhje për mëkatin dhe të besojnë në Zotin Jezus për falje. Ata kanë nevojë të besojnë në Jezusin për t'i çuar në qiell, dhe jo të besojnë sipas numrit të gjërave të mira që bëjnë. Perëndia dëshiron që familja jote t'a dëgjojë ungjillin, dhe Ai po ua tregonte të krishterëve Izraelitë këtë në një mënyrë shumë të veçantë, duke e filluar me Pjetrin.**

Pjetri po qëndronte në një qytet të quajtur Jope. (Tregoje në një hartë, nëse e ke një të tillë, mundësisht të madhe ku mund të shihet lehtësisht) Ai po qëndronte në shtëpinë e një burri të quajtur Simon, i cili ishte lëkurëregjës (bërës lëkurash). Një ditë, ndërsa Pjetri po priste të bëhej dreka, u ngjiti në tarracën e shtëpisë për të qenë vetëm në lutje. (vendos 1A-41) Ndërsa ishte atje, (Figura 5-3) Perëndia i dërgoi një vizion, një ëndërr të veçantë. Në këtë vizion Pjetri pa diçka që dukej si një çarçaf që zbriste nga qielli i kapur në të katër cepat. (vendos 1A-42) Në çarçaf kishte nga të gjithë llojet e kafshëve, të pastra dhe të papastra. (trego përsëri figurat e kafshëve) Pastaj Pjetri dëgjoi një zë që thoshte: (lexo nga veprat 10:13) "Pjetër, çohu ther dhe ha" Pjetri u habit! (lexo nga veprat 10:14) Ai tha: "Kurrësi Zot, sepse unë nuk kam ngrënë kurrë asgjë të papastër ose të ndotur" Ai s'po e kuptonte. Pse Perëndia po i thoshte të hante çdo lloj kafshe, edhe ato që Izraelitët mendonin se ishin të papastra? Perëndia i foli Pjetrit përsëri. (lexo nga veprat 10:15) "Gjërat që Perëndia i ka pastruar, ti mos i bëj të papastra" Kjo ndodhi 3 herë dhe pastaj çarçafi u ngrit përsëri në qiell. (lëviz 1A-42)

Pjetri po pyeste veten se ç'donte të thoshte ky vizion, kur Fryma e Shenjtë i tha (lexo nga veprat 10:19) "Ja, po të kërkojnë 3 burra, çohu pra zbrit dhe shko me ta pa asnjë ngurrim, sepse unë jam Ai që ti kam dërguar. Pjetri zbriti dhe pa që burrat ishin aty. (Figura 5-4 vendos 1A-39) Ai u tha atyre (lexo nga veprat 10:21) "Unë jam Ai që kërkon, cila është arsyeja për të cilën jeni këtu?"

**(VQSH 2)** Pjetri nuk e dinte se kush ishin këta burra, as nga kishin ardhur, por Perëndia e dinte. Ishte e gjitha pjesë e planit të Tij për t'ju treguar të krishterëve Izraelitë, se Ai dëshironte që paganët të dëgjonin ungjillin. Ai dëshironte që ata të dinin se Zoti Jezus u ndëshkua për mëkatet e tyre dhe se mund t'i falte nëse ata do të besonin tek Ai. Më tej, kur atë të vdisnin Perëndia nuk do t'i dëshironte ata përgjithmonë, por do ti merrte në qiell. Perëndia dëshiron që

gjithashtu edhe sot, të gjithë t'a njohin. Dëgjoni urdhrin që Ai u jep të gjithë fëmijëve të Tij tek Marku 16:15(lexoni nga Bibla) “.... I krishterë, a po i bindesh këtij urdhri? Kur Perëndia thotë: **“çdo personi”** Ai nënkupton tamam atë që thotë. “kujtdo” përfshin edhe ata persona që ta bëjnë jetën e vështirë, sepse e dinë se je i krishterë. Kjo përfshin edhe një person në klasën tënde, që është kaq i mërzitshëm sa askush s'i bëhet shok. Perëndia dëshiron që **të gjithë këta ta dëgjojnë ungjillin. A je i vullnetshëm për t'ia thënë?** Perëndia dëshironte që Pjetri të ish i vullnetshëm për t'u thënë ungjillin paganëve, kështu që Ai i foli Pjetrit me vizion, por Pjetri përsëri s'po e kuptonte mirë se ç'po i tregonte Perëndia. Pra, kush ishin këta burra? (lëviz 1A-41)

Dy prej tyre ishin shërbëtorë, tjetri ishte një ushtar romak. Ata nuk ishin Izraelitë, por paganë. (lëviz 1A-39, dhe vendos 1A-37). Padroni i tyre ishte gjithashtu pagan. Quhej Kornel dhe bënte pjesë në ushtrinë romake. Në ushtri ishte Centurion, që do të thotë se kishte në ngarkim 100 burra. Ai besonte tek Perëndia dhe e adhuronte bashkë me Izraelitët në qytetin e Cezares ku jetonte.(trego Cezaren në hartë) Ai i lutej Perëndisë çdo ditë dhe tregonte se sa shumë e donte duke u dhënë para të varfërve. Ai, familja dhe shërbëtorët e tij e kishin frikë Perëndinë (e kuptonin sa i madh dhe i shenjtë ishte) dhe e adhuronin Atë. Një ditë përpara se Pjetri të kishte vizionin mbi kafshët në çarçaf, Korneli pati vetë një vizion. Kur ai po lutej, rreth orës 3 pasdite, iu shfaq një engjëll (vendos 1A-40 Figura 5-2) dhe i tha: “Kornel” Si mendoni se u ndje Korneli? (lejo përgjigje) Korneli u tremb kur pa engjëllin! Engjëlli i tha të dërgonte njerëz në qytetin e Jops për të marrë Pjetrin. (lexo nga veprat 10:6) “Ai gjendet pranë një farë Simoni, regjës lëkurësh, që e ka shtëpinë afër detit” i tha engjëlli Kornelit. (hiq 1A-40 dhe vendos 1A-39). Kështu, Korneli thirri dy nga shërbëtorët dhe një ushtar që ishte një prej shoqëruesve të tij. Edhe ata e besonin Perëndinë dhe e adhuronin Atë. Korneli u shpjegoi se ç'i kishte thënë engjëlli dhe i dërgoi drejt e në Jope për të marrë Pjetrin. (lëviz 1A-37) Jope ishte 32 milje/ 51km larg Cezares. Imagjinoni ç'do të thotë të ecësh nga...tek...! (përmendni 2 vende që kanë distancë të përafërt si Jope me Cezaren, dhe që njihet nga fëmijët) burrat ecën gjithë ditën gjithashtu në mëngjesin e të nesërmes u nisën herët dhe mbërritën tek shtëpia e lëkureregjësit Simon, në mesditë.

(Vendos 1A-41) Kur burrat i thanë Pjetrit, se një engjëll i kish thënë Kornelit të dërgonte njerëz për ta marrë, ai i ftoi ata brenda. Imagjinoni! Pjetri, Izraelit po ftonë në shtëpinë ku qëndronte disa paganë! Pjetri po e mësonte se Perëndia i donte paganët, ashtu siç donte izraelitët. Ai po fillonte të kuptonte se çfarë i kishte thënë Perëndia nëpërmjet vizionit. Perëndia i kish treguar se nuk duhej të mendonte për paganët se ishin të papastër, s'duhet ti konsideronte si popull i parëndësishëm, por vetëm atëherë e kuptoi se duhet t'u tregonte atyre ungjillin, lajmin e mirë mbi Jezusin.

**(VQSH 3) I krishterë! A ka njerëz të cilëve ti nuk mendon t'ua thuash Ungjillin? Ndoshta ti njeh njerëz që kanë besim të ndryshëm nga i yti. Ndoshta në klasën tënde, ke një dëshmitar të Jehovahit. A mendon se nuk duhet të përpiqesh për t'i treguar Ungjillin, pasi ai tashmë beson diçka tjetër? Çfarë mendon ti se dëshiron Perëndia? Po, Perëndia dëshiron që të gjithë ta dëgjojnë ungjillin, edhe ata që besojnë në diçka tjetër ka me miliona njerëz në vende të tjera që besojnë në gjëra të ndryshme. Perëndia dëshiron që edhe këta njerëz, të dëgjojnë gjithashtu ungjillin. Ti nuk mund të shkosh dhe t'ua thuash këtë të gjithëve vetë, por mund të lutesh për misionarët që kanë shkuar t'u tregojnë dhe mund të jepni disa nga paratë tuaja për ndihmesë.**

Korneli, familja dhe shërbëtorët e tij, kishin nevojë që dikush të vinte për tu treguar Ungjillin. Ata dinin disa gjëra mbi Perëndinë por nuk dinin se për çfarë kishin nevojë për të besuar në Zotin Jezus si Shpëtimtarin e tyre.

**(V.V.D.F.)** Ndoshta ju ende nuk i keni kërkuar Zotit Jezus t'ju falë mëkatet: do t'ju pëlqente, por ka gjëra që do të donit të sqaronit më mirë. Qëndroni ulur kur të tjerët largohen dhe unë do ta di që ju do të flisni me mua mbi besimin në Zotin Jezus si Shpëtimtarin tuaj.

Perëndia dëshironte që Kornelit, familjes dhe shokëve të tij t'u shpjegohej Ungjilli, dhe kjo ishte arsyeja pse këta burra po flisnin tashmë me Pjetrin.

Burrat që Korneli dërgoi, kaluan natën në shtëpinë e lëkurëregjësit Simon, dhe ditën tjetër, Pjetri dhe disa kristianë të tjerë nga Jope, u larguan bashkë me shërbëtorët drejt shtëpisë së Kornelit në Cesare. Kur ata arritën, një ditë më pas, Korneli po i priste. (vendos 1A-37). Ai mbledhi të gjithë fafesisin dhe miqtë e ngushtë (vendos 1A-38 **Figura 5-5**) për të dëgjuar çfarë do t'i thoshte Pjetri. Korneli e takoi Pjetrin ndërsa po hynte dhe ra përpara tij dhe e adhuroi, por Pjetri i tha: (lexo nga veprat 10:26) “Çohu, edhe unë jam një njeri” Ata u futën brenda, dhe Pjetri u tha çfarë duhet t'u thoshte njerëzve që po prisnin për të dëgjuar. Ai u tha njerëzve: “Ju e dini që ligji ma ndalon të vij në një shtëpi paganësh por Perëndia më tregoi të mos quaj asnjëri të papastër” Korneli i tha Pjetrit egzaktesisht çfarë i kish thënë engjëlli, dhe pastaj Pjetri filloi t'u predikonte ungjillin.

Ai u tha se tashmë e kishte kuptuar se Perëndia do t'ua falte mëkatet kujtdo që do besonte në Zotin Jezus, pavarësisht nëse do ishte izraelit apo pagan. Ai u tha: (lexo nga veprat 10:43) “Që kushdo që beson në të, merr faljen e mëkateve me anë të emrit të tij”

Kur Korneli dhe të gjithë njerëzit që ishin mbledhur, e dëgjuan ungjillin, të gjithë ata besuan në Zotin Jezus si Shpëtimtar. Të krishterët Izraelitë që kishin ardhur me Pjetrin, u habitën. Tani e morën vesh se Perëndia dëshironte që të gjithë ta dëgjonin ungjillin, edhe paganët.

**(VQP 4) (Figura 5-6) Ju e dëgjuat sot ungjillin. Shumë prej jush mund ta kenë dëgjuar më parë shumë herë. Por çfarë keni bërë për të? A jeni kthyer nga mëkati? A i keni thënë Perëndisë sa keq ju vjen? A i keni besuar Atij që t'ju falë? Korneli, familja dhe shokët e tij nuk thanë: “Faleminderit Pjetër, që na e the, do ta mendojmë mirë këtë punë, dhe ndoshta një ditë do të besojmë tek Zoti Jezus.” Kjo ishte ajo çfarë ata prisnin të dëgjonin. Tani që ata e ditën se si mund të ishin të drejtë për Perëndinë, pikërisht atë çast ata besuan në Zotin Jezus. **A do të bëni ju të njëjtën gjë sot?** Ajo që Pjetri i tha Kornelit dhe familjes së tij është e vërtetë dhe për ju (lexo nga veprat 10:43) “Që kushdo që beson në të merr faljen e mëkateve me anë të emrit të tij” **Nëse ju besoni sot në Zotin Jezus si Shpëtimtarin tuaj, atëherë dhe ju mund t'i tregoni të tjerëve se çfarë ka bërë Perëndia për ju, sepse Perëndia dëshiron që të gjithë ta dëgjojnë ungjillin.****

## PYETJE PËR PËRSËRITJE

1. Si i quanin Izraelitët ata që nuk ishin të tillë? (Paganë)
2. Kë dëshiron Perëndia ta dëgjojë Ungjillin? (Të gjithë)
3. Pse u ngjiti Pjetri në tarracën e shtëpisë? (Për të qenë vetëm në lutje)
4. Çfarë të veçante bëri Perëndia për Pjetrin ndërsa ai po lutej? (i dërgoi një vizion, një ëndërr të veçantë)
5. Çfarë i tha Perëndia Pjetrit në atë vizion? (mos quaj të papastër, atë që Perëndia e ka pastruar).
6. Çfarë i mësoi Perëndia Pjetrit? (Ai dëshironte që paganët ta dëgjonin Ungjillin).
7. Çfarë njeriu ishte Korneli? (Pagan, Centurion, që i trembej Perëndisë dhe e adhuronte, i jepte para të varfërve)
8. Çfarë kishin ende nevojë të dëgjonin Korneli, familja dhe shokët e tij? (Ungjillin, Lajmin e Mirë për Jezusin).
9. Pse Korneli vendosi të dërgonte njerëz për të marrë Pjetrin? (Ia tha një engjëll të bënte kështu)
10. Çfarë ndodhi kur Pjetri u predikoi Ungjillin Kornelit, familjes dhe shokëve të tij? (Të gjithë ata e besuan Krishtin si Shpëtimtarin e tyre)

## Detyrë Shtëpie

U krijoni mundësi fëmijëve që t'u tregojnë të tjerëve mesazhin e Ungjillit.

Çdo fëmijë mund të bëjë një të njëjtën prej mjeteve të dëshmisë të sugjeruara më poshtë. Në mënyrë alternative ju mund të siguroni libra pa fjalë, të gatshëm dhe të vegjël (të vlefshme me instruksione nga drejtori lokal i C.E.F. Fëmijët duhet të dëgjojnë të paktën një demonstrim sesi të shpjegojnë ngjyrat. Ata do të përfitojnë akoma më shumë nëse ju u jepni atyre mundësinë që duke përdorur mjetet e dëshmisë të mund të interpretojnë në role të ndarë në çifte ose grupe të vogla.

Zgjidhni për të bërë një nga mundësitë e mëposhtme duke përdorur ngjyrat e librit pa fjalë.

- ❖ Një libër pa fjalë me copa letre të ngjyrosura.
- ❖ Një byzylyk "miqësie" në formë gërsheti.
- ❖ Një varëse ose byzylyk me rruaza me ngjyra.
- ❖ Një mbajtëse të vogël të mbushur me kordele me ngjyra.

Urdhërim

Duaj

1. Ju mund të përdorni duke vizatuar ose paraqitur dy lloje pikturash. Emërojeni një të njëjtën prej tyre "të pastra" dhe tjetrën "të papastra". Shih Levitikun 11 për rregullat që Zoti dha. Mos harxhoni kohë duke hyrë në detaje duke folur për rregullat. Fëmijët që janë të interesuar mund t'i japin një shikim më të gjerë në fund të mësimit në klasë.

# MËSIMI 6

## Fëmijët e Perëndisë janë të persekutuar.

---

**Vargjet nga Bibla**

Veprat e Apostujve 4:1- 31; 5:17; 7:60.

**E Vërteta Qendrore**

**Fëmijët e Perëndisë vuajnë për të.**

**Zbatimi**

**Për të shpëtuarit:** Pritni të vuani, lutuni për ndihmën e Perëndisë dhe mbani mend se Ai do të jetë me ju.

Meqë nuk ka zbatim për të pashpëtuarit në këtë mësim do të ishte një ide e mirë që në një pikë tjetër të problemit të ndanit mesazhin e Ungjillit. Këtë mund ta bëni nëpërmjet një mësimi që ju mund të jepni mbi një këngë të krishterë ose mbi ndonjë mësim me subjekt të shkurtër. Për shembull ju mund të përdorni një orë të ngelur për të ilustruar sesi një person i pashpëtuar ka nevojë për një jetë të re nga Zoti Jezus Krisht. Kjo orë e ngelur mund të dukej e bukur por nuk përdoret deri sa vendoset një bateri (ose derisa të kurdiset) Ajo nuk bën atë që duhet të bëjë. Ti nuk mund të jesh ai njeri që duhet të ishe pa jetën e re nga Zoti Jezus, sa do që të përpiqesh të jesh i mirë i sjellshëm. Personi që e bëri orën e dinte cila ishte mënyra më e mirë për t'i bashkuar pjesët, që ajo të punonte mirë.

Perëndia është krijuesi yt kështu që Ai e di çfarë është më e mirë për ty. Ai thotë në fjalën e tij "Kush beson në Birin ka jetë të përjetshme" (Gjoni 3:36). Ti duhet të besosh në Zotin Jezus si i Vetmi që mund të të largojë mëkatit. Më pas Ai do të të japë jetën e re, dhe ti do të jesh në gjendje të jetosh ashtu siç Perëndia ka për qëllim, me ndihmën e Tij.

**Vargu Përmendësh**

*Hebrenjve 13:5*

*"Nuk do të të le, nuk do të të braktis".*

Një premtim për fëmijët e Perëndisë. Ai kurrë nuk do ti braktisë ata në kohë të vështira. Edhe kur ndjehen vetëm Ai është aty me ta.

**Mjetet Vizive:**

Figurat për flanelografin: **1A –12, 30, 38 dhe 46-56.**

**E vërteta kryesore** në një copë letër. Ju mund t'i jepni letrës formën e siluetës së një koke fëmije ose të një shpate. E tregoni këtë sa herë që të mësoni të vërtetën kryesore.

Fjalë me shirita demonstrative që mund të përdorni: Pjetri, Gjoni, Apostujt, Gamalieli dhe Stefani.

Ju gjithashtu mund të printoni vargun "Nuk do të të lë, nuk do të të braktis" (Hebrenjve 13:5) mbi formën e një Bible të hapur ose të përdorni të njëjtin mjet viziv që keni bërë për vargun përmendësh.

**Përmbledhja e Mësimit**

**Hyrje:** Çfarë ndodhi kur Pjetri dhe Gjoni takuan burrin e çalë në tempull?

**Rrjedha e ngjarjeve**

1. Pjetri predikon.
2. Pjetri dhe Gjoni të arrestuar.
3. Të urdhëruar për të mos folur në emër të Jezusit. **(VQSH 1)**
4. Takimi i lutjes të çon drejt predikimit me guxim. **(VQSH 2)**
5. Apostujt e burgosur.
6. Të liruar nga engjëj.
7. Të sjellë para sunduesve dhe të fshikulluar, por të gëzuar. **(VQSH 3)**
8. Prova e Stefanit.

**Kulmi:** Vdekja e Stefanit.(VQSH 4)

**Përfundimi:** "Kurrë nuk do të të lë...."

## **MËSIMI**

E mbani mend ç'i ndodhi Pjetrit dhe Gjonit (vendos 1A-46) kur takuan burrin e çalë rrugës për në tempull? (lejo disa prej fëmijëve të përgjigjen) Po, Perëndia e shëroi burrin e çalë. Ku shkuan sapo burri u shërua? (lejo një fëmijë të përgjigjet). E vërtetë, ata shkuan në tempull. Çfarë bënë ata në tempull (përsëri lejo fëmijët të përgjigjen). Ata lavdëruan dhe falenderuan Perëndinë që shëroi burrin e çalë.

Të gjithë njerëzit që ishin atje (vendos 1A-12, 30 dhe 38) u habitën për çfarë ndodhi dhe erdhën duke vrapuar tek Pjetri, Gjoni dhe burri. Kur Pjetri i pa ata të mbledhur aty ai filloi t'i predikonte atyre rreth Zotit Jezus. Ndërsa ai po fliste, priftërinjtë, komandanti i rojeve të tempullit, dhe ligjvënës hebrenj të tjerë dolën (vendos 1A- 47& 48). Atyre nuk u pëlqeu çfarë Pjetri dhe Gjoni po u mësonin. Ata nuk besonin se Zoti Jezus është ngjallur së vdekurish dhe ata nuk donin që Pjetri dhe Gjoni apo dikush tjetër t'u mësonte njerëzve këtë. Kështu ata i kapën Pjetrin dhe Gjonin dhe i futën në burg deri të nesërmen.

Të nesërmen Pjetri dhe Gjoni u nxorën përpara krerëve dhe pleqve të hebrenjve për t'u pyetur. Krerët i pyetën ata (lexo nga veprat 4-7) "Me ç'pushtet ose në emër të kujt e keni bërë këtë. Pjetri u tha atyre" (lexo veprat 4-10) "Në emër të Jezus Krishtit të Nazaretit." Ai madje u tha atyre se ata mund të shpëtoheshin vetëm nëpërmjet Zotit Jezus. Krerët nuk donin që njerëzit të besonin çfarë Pjetri dhe Gjoni po u mësonin kështu që ata i urdhëruan të mos flisnin dhe as t'i mësonin në emër të Jezusit. Pjetri dhe Gjoni iu përgjigjën (lexo veprat 4-19). Gjykoni ju nëse është e drejtë para Perëndisë t'iu bindemi më shumë juve sesa Perëndisë. Sepse ne nuk mund të mos flasim për ato që kemi parë e dëgjuar" – thanë ata. Krerët nuk po vendosnin dot sesi t'i ndëshkonin, sepse të gjithë po lavdëronin Perëndinë për atë që ndodhi, kështu që i kërcënuan ca dhe i thanë të shkonin.

**(VQSH 1) Nëse ti do të ishe Pjetri apo Gjoni çfarë do të kishe bërë? I krishterë, nëse dikush do të kërcënonte se do të dëmtojë nëse ti do të flisje përsëri për Zotin Jezus çfarë do të bëje? A do të pushoje së foluri për Zotin Jezus? Zoti Jezus u tha pasuesve të Tij të prisnin të vuanin sepse besonin në të. Kjo u përket dhe të krishterëve sot. Ndoshta ti nuk do të burgosesh se beson Zotin Jezus, ose sepse u tregon të tjerëve për të, por ndoshta disa nga shokët e tu do të tallen nëse përpiqesh tu thuash se ata kanë nevojë të besojnë në Zotin Jezus për falje. Disa, mund të mos jenë më miqtë e tu, sepse ti nuk do të shohësh disa lloje video-kasetash me ta. Mund të ndjehesh shumë i lënë pas dore dhe i vetmuar, tamam si një vajzë e quajtur Polin, shoqet e së cilës shkuan të shohin një film pa i thënë fare asaj. Ato e bënë këtë sepse e dinin se ajo s'do të ishte dakord të shihnin disa lloj gjërash në atë film. Kjo do të thotë të vuash për hir të Zotit Jezus. A do të pushosh ti së foluri për Zotin Jezus që të tjerët të mos tallen, apo do të vazhdosh të flasësh sepse e di që kjo është ajo që Zoti Jezus dëshiron? A do ti shohësh ato filma të këqij vetëm sepse s'do të mbetesh jashtë, apo do ta kënaqësh Perëndinë duke mbajtur mendjen të pastër? Çfarë bën Pjetri dhe Gjoni? (lëviz 1A-47).**

Ata shkuan tek besimtarët e tjerë dhe u treguan se ç'kishin thënë krerët pastaj u lutën të gjithë dhe i kërkuan Perëndisë t'i ndihmonte për tu folur të tjerëve me guxim. Perëndia iu përgjigj lutjes së tyre dhe i ndihmoi ta bënin këtë. Nëse ata do t'u ishin bindur krerëve hebrenj nuk do t'i ishin bindur Perëndisë. Ata iu bindën Perëndisë me ndihmën e Tij. Ata nuk mund ta bënin vetëm me fuqinë e tyre. Perëndia i ndihmoi me anë të Frymës së Tij të Shenjtë që ti bindeshin Atij edhe pse ata e dinin se kjo do t'ju sillte probleme dhe vuajtje.

**(VQSH 2) I krishterë, Perëndia do të të ndihmojë ty, të jesh i fortë dhe trim për t'iu bindur Atij edhe pse ti e di se të tjerët do të tallen dhe do të të injorojnë. Mos u tundo të bësh çfarë të tjerët bëjnë vetëm për të evituar të tallurit ose të lënit pas dore. Kjo është çfarë Satani dëshiron që ti të bësh. Ai dëshiron të prishë dëshminë tënde. Ai do që ti të bëhesh si gjithë të tjerët kështu që të tjerët do të thonë "s'është gjë të jesh i krishterë, sepse kjo nuk të ka sjellë ty, ndonjë ndryshim. Lutu çdo ditë që Perëndia të të ndihmojë të bësh atë që është e drejtë, pa pyetur çfarë të tjerët do të të thonë apo do të të bëjnë. Kur dalin vështirësi lutu në zemrën tënde dhe pastaj kërkoi Perëndisë të të ndihmojë. Ai do të jetë me ty dhe do të të ndihmojë. Dëgjo çfarë ka premtuar Ai tek Hebrenjve 13:5**

**(lexo Hebrenjve 13:5b) “Unë nuk do të të lë, nuk do të braktis”.** Të krishterët e parë e dinin këtë ndaj nuk pushonin së foluri rreth Zotit Jezus, vetëm sepse i kishin kërcënuar. Pjetri, Gjoni dhe apostujt e tjerë, vazhduan të predikonin për Zotin Jezus. Ata gjithashtu shëruan shumë njerëz në emrin e Tij. Njerëzit që zakonisht dëgjonin krerët Hebrenj dhe i bindeshin gjërave që këta i mësonin, tani po ndiqnin mësimet e Apostujve. Kur krerët e morën vesh këtë u bënë xhelozë. Kështu që i arrestuan Apostujt dhe i futën në burg. Por gjatë natës një engjëll i Zotit (vendos 1A-49 Figura 6-2) hapi dyert e burgut dhe i nxori jashtë. Çfarë mendoni se u tha engjëlli të bënë? Të fshiheshin? (lejo përgjigje) JO! Engjëlli u tha të ktheheshin në tempull dhe të predikonin sesi mund të merrnin jetën e përrjetshme nëpërmjet Zotit Jezus (hiq 1A- 46).

Ndërkaq kryepriifti dhe të gjithë krerët ishin mbledhur së bashku. (vendos 1A-47) Ata dërguan disa oficerë në burg për të marrë Apostujt. Kur oficerët arritën në burg panë se ai ishte i mbyllur mirë dhe se rojet po qëndronin në këmbë pranë derës. Por kur dyert u hapën brenda s’kishte njeri. Ata u kthyen (vendos 1A-48 Figura 6-3) dhe njoftuan për këtë lajm të çuditshëm. Të gjithë u hutuan. Pastaj dikush hyri dhe u njoftoi “njerëzit që burgosët janë në tempull duke u dhënë mësim njerëzve.”

Apostujt u arrestuan përsëri dhe u sollën para krerëve (vendos 1A-46 Figura 6-4) Ata u thanë krerëve (lexo nga Veprat 5:29) “Duhet t’i bindemi Perëndisë më shumë sesa njerëzve” dhe shpjeguan se mëkatet mund të faleshin nëpërmjet Zotit Jezus. Kur krerët e dëgjuan këtë u nxehtën! Ata nuk e besonin se Zoti Jezus është Biri i Perëndisë, kështu që mendonin se ishte e tmerrshme të thuhej se Ai mund të falte mëkatet, aq shumë sa që donin t’i dënonin me vdekje Apostujt.

Më pas njëri prej krerëve i quajtur Gamaliel, u ngrit dhe u kërkoi apostujve të dilnin për pak jashtë. (hiq 1A-46). Ai u tha krerëve të tjerë (lexo Veprat 5:38,39) “Tani unë po ju them tu rrini larg këtyre njerëzve dhe ti lironi, sepse në qoftë se ky plan ose kjo vepër, është prej njerëzve ajo do të priset, por nëse është prej Perëndisë ju nuk mund ta prishni sepse do të gjendeni në luftë kundër vetë Perëndisë. Kjo i bindi krerët të mos i vrisnin apostujt. Në vend të kësaj ata i kthyen përsëri dhe i rrahën. Pastaj i urdhëruan të mos flisnin më në emër të Jezusit dhe i lanë të shkonin (hiq 1A-47)

Si mendoni se u ndjenë Apostujt? Jam i sigurt se e kishin kurrizin të lënduar dhe ndoshta të gjakosur nga rrahjet. A mendoni se ata rënkuan dhe u ankuan pse Perëndia lejoi që kjo të ndodhte (lejo përgjigje). Dëgjoni çfarë na thotë Bibla (lexo Veprat 5:41) “Kështu ata u larguan nga sinedri duke u gëzuar sepse qenë çmuar të denjë të fyhen për emrin e Jezusit”. Ata u ndjenë të nderuar që Perëndia i kish lejuar të vuanin në emrin e Jezusit.

**(VQSH 3) I krishterë, si ndjehesh kur të tjerët tallen me ty sepse ti ke besuar në Zotin Jezus. A të vjen turp për Të? A zemërohesh që Perëndia ka lejuar që kjo të të ndodhë. Kur ti liresh jashtë lojërave dhe zbavitjeve të të tjerëve, sepse të shohin si djalë mamaje ose qullavec, a të vjen keq për veten? Kërkoi Perëndisë të të falë që ndjehesh kështu dhe të të ndihmojë të ndjehesh si Apostujt, të ndjehesh i lumtur që të është lejuar të vuash, sado pak për hir të Jezusit. Kërkoi Atij të të ndihmojë të kujtosh gjithmonë premtimin e Tij. “Kurrë nuk do të të lë, nuk do të të braktis.”**

**(V.V.D.F)** Ndoshta keni pasur probleme me shokët që nuk janë të krishterë. Ndoshta nuk jeni të sigurt se çfarë ti thoni, ose nuk jeni të sigurt për diçka që ata duan që ju të bëni. Ejani dhe prisni sot pranë tavolinës kur të tjerët të largohen dhe unë do ta di që dëshironi të flisni me mua. Ma tregoni problemin dhe unë do të përpiqem t’ju tregoj se ç’thotë Fjala e Perëndisë. Ose ndoshta ju e dini ç’të bëni por ju duket e vështirë. Nëse do të doni të më tregoni për këtë, unë do të lutem për ju gjatë javës, që Perëndia t’ju japë forcën të bëni atë që kënaq Perëndinë.

A je i tunduar për t’u tërhequr? Të mos thuash më çfarë beson apo të shpjegosh pse ti nuk do të bësh këtë apo atë gjë? Të rrih i qetë dhe të mos thuash gjë për të pasur jetën më të lehtë. Dëgjo çfarë bënë Apostujt (lexo Veprat 5:42) “Dhe çdo ditë në tempull dhe nëpër shtëpi nuk pushonin duke mësuar dhe duke shpallur Lajmin e Mirë që Jezusi është Krishti.”

Për shkak se Apostujt vazhduan të predikonin shumë njerëz po besonin në Zotin Jezus për faljen e mëkateve. Kishte kaq shumë punë për Apostujt, të kujdeseshin për njerëzit sikurse predikonin. 7 Burra të tjerë u zgjodhën të kujdeseshin për njerëzit në mënyrë që apostujt të mund të shpenzonin me shumë kohë duke predikuar rreth Zotit Jezus dhe duke mësuar besimtarët.

Një nga këta burra quhej Stefan (*Vendos 1A-50*) disa nga Hebrenjtë filluan të grindeshin me të, për ato që ai thoshte dhe bënte, por nuk mundën të haheshin me të sepse Fryma e Shenjtë po e ndihmonte të dinte çfarë të thoshte. Kështu, këta Hebrenj bindën disa njerëz të përhapnin gënjeshtër për ato që kish thënë Stefani. Ai u soll para krerëve (*vendos 1A 47 dhe 51*) të cilëve u ishin thënë gënjeshtër. Stefani filloi t'u predikonte krerëve. Ai u tha se Jezusi ishte Ai që Perëndia kish premtuar të dërgonte si shpëtimtar. Kjo i nxehi ata kaq shumë sa kërcëlluan dhëmbët. (*Tregoni ç'do të thotë të kërcëllish dhëmbët duke bërë një fytyrë të nxehur, dhe duke shtrënguar dhëmbët ndërkohë që tregoni*). Por Stefani ngriti sytë nga qielli dhe pa lavdinë e Perëndisë dhe Jezusin duke qëndruar në krahun e djathtë të Perëndisë. Ai u tha krerëve se çfarë po shihte. Ata filluan ti bërtisnin dhe të mbulonin veshët për të mos dëgjuar. Mbjaj mend, ata nuk besonin se Jezusi është Perëndia Bir kështu që menduan se ishte gjë e tmerrshme të thoshe se Ai ishte në krah të djathtë të Perëndisë në Qiell. Ata ishin kaq të nxehur sa vrapuan drejt tij, e tërhoqën zvarrë jashtë qytetit dhe e goditën me gurë. (*Figura 6-5 zëvendëso 1A-50 me 1A-52 dhe 1A-51 me 1A-53 vendos 1A-54, 55, 56*)

Si mendoni se ndjehej Stefani? A mendoni se Ai ishte nxehur me ata që po e godisnin me gurë? A mendoni se shau në mënyrë të pahijshme ose pati thjesht mendime të këqija për ta? (lejo disa fëmijë të sugjerojnë përgjigje) Dëgjoni për çfarë u lut ai me zë të lartë, ndërsa po e godisnin me gurë (*lexo veprat 7:60*) "O Zot, mos ua ngarko atyre këtë mëkat" Ai i kërkoi Perëndisë ti falte këta njerëz, megjithëse po vuante shumë. Pasi u lut, ai vdiq.

**(VQSH 4) I krishterë, ndoshta ti nuk duhet të vdesësh për shkak të asaj që beson, por ka të krishterë në vende të tjera që rrezikojnë vdekjen, për shkak se besojnë në Zotin Jezus. Ka shumë prej tyre që janë në burg, shumë janë flakur nga familjet, shumë janë goditur, vetëm sepse kanë besuar Zotin Jezus si Shpëtimtarin e tyre. Nëse ti je i krishterë, këta njerëz janë vëllezërit dhe motrat e tua në familjen e Perëndisë, a do të lutesh për ta në kohën e qetë? Kërkoji Perëndisë që ti ndihmojë ata të dinë që premtimi i Tij është e vërtetë "Kurrë nuk do të të lë nuk do të të braktis" ti, gjithashtu mund të falenderosh Perëndinë që në këtë vend je i lirë të besosh tek Zoti Jezus. Ty do të të duhet të vuash më pak nëse i bindesh Perëndisë duke jetuar në mënyrën që ai dëshiron dhe duke folur për Të. Bëhu gati për këtë përgatitu të jesh i ndryshëm. Lutu për ndihmën e Perëndisë përpara se të vijë vuajtja dhe kur ajo të ketë ardhur, dhe gëzohu që të është lejuar të vuash, qoftë edhe pak për hir të Jezusit. Kujto që nuk je vetëm sepse Perëndia ka premtuar "Kurrë nuk do të të lë, nuk do të braktis".**

**Shënim:** Do të ishte e përshtatshme që mësimi të ndiqej me lutje nga një drejtues ose duke përfshirë dhe fëmijët. Me qëllim që të ndihmohen fëmijët mund të shkruhen që më parë lutje të shkurtra ose ide për lutje. Lutuni për fëmijët e klubit tuaj për situatat e vështira që duhet të përballojnë, dhe për të krishterët nëpër botë që po vuajnë për shkak të asaj që besojnë. Do ishte mirë të kishit një shembull të kohës nga një vend tjetër kërkoni shembuj në revista mbi misionarët dhe në literatura të tjera të krishtera.

## Pyetje për Përsëritje

1. Çfarë bënë krerët Hebrenj kur dëgjuan që Pjetri dhe Gjoni që predikonin për Zotin Jezus? (I futën në burg gjatë natës)
2. Çfarë i urdhëruan krerët Pjetrit dhe Gjoni? (të mos flisnin dhe as të mësonin në emër të Jezusit)
3. Pse nuk iu bindën krerëve Pjetri dhe Gjoni? (Bindja ndaj krerëve do të ishte mosbindje ndaj Perëndisë; është më e rëndësishme t'i bindesh Perëndisë)
4. Çfarë gjërash mund të të ndodhin si i krishterë duke iu bindur Perëndisë në shtëpi dhe në shkollë? (Pranoni përgjigjet e arsyeshme)
5. Çfarë bënë besimtarët kur Pjetri dhe Gjoni u treguan se ç'kishte ndodhur? (u lutën për guxim)
6. Çfarë u ka premtuar Perëndia fëmijëve të tij tek Hebrenjve 13:5 (Kurrë nuk do të të lë, nuk do t'ju braktis)






7. Si ikën apostujt nga burgu? (erdhi një engjell dhe i nxori)
8. Apostujt u arrestuan përsëri dhe u rrahën me kamxhik dhe u fshikulluan. Si u ndjenë pas kësaj? (të gëzuar që u ishte lejuar të vuanin për hir të Jezusit)
9. Çfarë i bënë krerët Stefanit për shkak të asaj që tha? (e goditën me gurë për vdekje)
10. Si u ndje Stefani ndaj këtyre njerëzve? (i kërkoi Perëndisë t'i falte)

### Detyrë Shtëpie

Bëni një kopje të faqeshënuesit në faqen tjetër për çdo fëmijë mbi një letër të ndriçuar. Shpuni një vrimë në majë dhe u tregoni atyre sesi të kalojnë përmes fije leshi për ta bërë xhufkë. Fëmijët më të rritur mund të ngjyrosin shkronjat me lapsa ose me bojëra tushi. Fëmijët më të vegjël mund të kenë nevojë që ti t'i lexosh fjalët me ta veçanërisht kur vargu i Biblës është me shkronja të mëdha. Inkurajojini ata ta përdorin faqeshënuesin në Bibla që mund të kujtojnë shpesh mesazhin e Tij.

1. Nëse u keni mësuar Hebrejve 13:5 si vargun përmendësh para mësimit, pyesni fëmijët, "A ju vjen ndërmend një varg nga Bibla ku Perëndia premton se do të jetë gjithmonë me fëmijët e Tij.



"I WILL  
NEVER  
LEAVE  
YOU,  
NOR  
FORSAKE  
YOU."

HEBREWS  
13:5

**Përmbledhje e hapave për të këshilluar fëmijën që dëshiron të vijë te Krishti.**

**Sigurohuni që fëmija të kuptojë rreth**

**Perëndisë**

Kush është Perëndia?  
Perëndia na krijoi, Ai na flet nëpërmjet Biblës.  
Perëndia është i Shenjtë dhe i pastër, Ai na do.

**Mëkatit**

Çfarë është mëkati?  
Mëkati është të mos i bindesh urdhërimeve të Perëndisë. Ai është kundër Perëndisë.  
Fol për disa mëkate të veçanta.  
Fëmija është një mëkatar.  
Mëkati e meriton ndëshkimin.

**Shpëtimtarit**

Vetëm kush mund t'i marrë mëkatet tuaja.  
Perëndia Bir vdiq në kryq për mëkatarët.  
Zoti Jezus u ngrit përsëri nga vdekja.  
Ai është Zot i të gjithëve.

**Shpjegoni sesi mund të shpëtohesh.**

Shpjegoni se çfarë do Zoti që të bëjmë ne dhe çfarë do të bëjë Ai.  
Përdorni vargje nga Bibla (Gjoni 1:12; 3:16; 6:37; Veprat 16:31, Romakëve 6:23 ose 10:13)  
Çfarë dëshiron Zoti që ti të bësh?  
Çfarë do të bëjë Zoti?  
Kini kujdes vështirësitë.  
Pyesni: "A dëshiron të besosh në Krishtin, apo do të presësh?"  
Inkurajoni fëmijën të lutet nëse është gati.

**Flisni rreth sigurisë së Shpëtimit.**

Kthehuni tek vargu i Biblës që përdoret  
Flisni për një jetë të ndryshuar  
I tregoni fëmijës se çfarë mund të dijë tani.  
Ai që beson me të vërtetë te Krishti.

**Jepni (më vonë) disa këshilla mbi jetën e krishterë.**

Lexoni dhe binduni Biblës.  
Flisni me Perëndinë Atin tonë qiellor.  
Lu thoni të tjerëve çfarë Zoti ka bërë për ju.  
Kërkojini Perëndisë t'ju falë kur mëkatoni.  
Takohuni me të krishterë të tjerë.  
Kujtoni premtimin e Zotit "Kurrë nuk do të të lë".